

AWEMainta

E DIFERENCIA DEN NOTICIA

DI ABUSO DI PODER TE CU DECISION ILEGAL PROXIMO GOBIERNO LO TIN DIFERENTE INVESTIGACION PA EHECUTA



2

**CASO FLAMINGO A HAYA
UN BUELTA BERGONSOSO
PA MINISTERIO PUBLICO**

**FINANSA DI GOBIERNO
TA BAY BON PERO
PUEBLO TA DEN SINK**

**ARUBA TA TUMA
MEDIDA PREVENTIVO PA
EVITA BROTE DI DENGUE**




Stop Searching!

M-Files
Document Management

- System Neutral, Metadata Driven
- Cloud, On-Premises, or Hybrid
- Automated Workflows and Security
- Seamless Integration with: Microsoft Office,
- Dropbox, GoogleDrive, DocuSign, AdobeSign

Tel. 583-7072 | info@vcc-int.com | www.vcc-int.com



VCC
International NV

Di abuso di poder te cu decision ilegal

Proximo gobierno lo tin diferente investigacion pa ehecuta



FALTA algo mas c'un año pa pueblo bay urna electoral pa eligi un gobierno nobo p'e periodo di gobernacion di 2025 te cu 2029 y hasta tin cierto indicacion concreto, cu e posibilidad ta grandi cu pueblo lo bolbe wordo confronta c'un proceso electoral adelanta, e año aki ainda.

Ta un hecho si cu tur loke a bin ta tumando luga den gobernacion di ultimo 7 año, e proximo gobierno sin duda lo tin e obligacion pa den nomber di pueblo, laga haci varios investigacion pa aclaria y hasta caba cu abuso di poder di algun instancia.

Sin duda un "doorlichting" di e departamento di Ministerio Publico, mester ta un prioridad y hasta tin cu investiga rol di oficialnan Hulandes cu a funciona den e periodo aki, nan participacion den tur loke a bay malo.

No por ta asina cu e departamentonan hudicial aki, lo no por wordo investiga ya cu pa algun año caba, e duda den credibilidad di entre otro Ministerio Publico como tambe Landsrecherche, a baha na un nivel di duda nunca antes bisto y esey no por sigui asina y tin cu libra e sistema hudicial di cualkier situacion caminda no ta respeta e integridad di un institucion cu pueblo ta confia cu nan ta honesto y recto.

Fuera di departamentonan hudicial aki, un investigacion grandi tin cu bin relaciona cu e funcionamiento y maneho hiba pa loke a asunto di permiso na DIMAS, sigur despues cu a surgi tanto situacion conflictivo cu e maneho cu as ser

hiba pa Minister Glenbert Croes.

Otro ministerio di e minister aki cu tambe tin cu ser sometida na un investigacion riguroso ta esun di Refineria di Aruba, pa desaroyonan cu a tuma luga caminda entre otro a permiti e compania Mericano CITGO, saca su mes for di un contracto solido caminda e mester a para responsabel pa un suma di 300 miyon dollar, na momento cu e faya den ehecucion di esaki.

Mester investiga tur actividad cu a bin ta tumando luga riba tereno di e refineria di San Nicolas despues cu CITGO a bandona e propiedad aki, ya cu tin actividadnan tumando luga cual ningun hende oficialmente ta na altura di esakinan.

Otro investigacion cu tin cu tuma luga ta henter e proceso di procesamiento di sushi di cas caminda na momento cu Minister Ursell Arends a cera dump keriendo cu e tin un solucion p'e asunto aki, e situacion a bira pio y ta practicamente for di control.

Ainda tin cu haci un investigacion pa loke t'e fondonan cu a ser manipula pa loke t'e asina yama placa di FASE caminda hasta tin funcionarionan di e proceso legal cu a ser menciona den manipulacion di e fondo aki.

E proximo gobierno tin un tarea grandi cu e lo wordo encarga su mes caminda tin cu interveni formalmente pa bolbe trece confiansa di pueblo den e proceso democratico di pais Aruba.

ANALISIS

Caso Flamingo a haya un buelta bergonsoso pa Ministerio Publico

POLITICO Otmar Oduber pa algun tempo caba a bin ta hibando un lucha formal contra di Ministerio Publico, relaciona cu e investigacion cu ta carga e nomber di Flamingo, relaciona cu varios acusacion cu autoridadnan hudicial a lanta contra di su persona.

Na varios ocasion sr Oduber a bin dilanti y cuestiona e tempo largo cu e investigacion aki ta tumando luga pero aki tin cu señala cu Ministerio Publico ta muera riba un instancia cu no tin oido pa e berdad cu nan mes ta insisti cu nan ta buscando den nomber di husticia.

Ayera a bin resulta c'un di e sospechosonan principal den e caso di Flamingo, esta e comerciante Gigi Helder, a ricibi un carta for di Ministerio Publico cu lo "seponer" tur acusacion contra di su persona relaciona cu su envolvimento den e caso menciona.

E caso a dal un buelta hopi bergonsoso algun dia atras, ora cu contenido di e carta relaciona cu e decision tuma contra di e comerciante, caminda cu hopi curashi y sin ningun clase di berguensa, Ministerio Publico ta kere cu e decision di 'seponer' e caso aki, ta e forma di laba man cu nan propio fracaso contra di e ciudadano aki.

Ministerio Publico ta culpabel di persecucion contra di e ciudadano aki, ya cu na dos ocasion cu hopi fanfaria, a presenta na oficina di e comerciante, caminda practicamente nan a destabilisa henter e operacion di e compania, pa haci nan investigacion y a detene varios trahado di e compania.

Na final di 2024, un biaha mas Ministerio Publico a dicidi cu e tin autoridad LEGAL pa drenta atrobe oficina di e comerciante aki, tene e luga for di funcion pa casi dos dia y tambe a drenta caso di e comerciante, "insistiendo" cu nan lo tin RAZON!

Awor ta resulta cu no a haya ningun PRUEBA pa loke nan a yama "indicacion" cu cual nan kier a hustifica e investigacion aki pero awor diripiente ta resulta cu a haya algo pa hustifica e ABUSO cometi pa Minister Publico y oficialnan di Landsrecherche y RST contra di e ciudadano aki y aparente-



mente contra di e politico Otmar Oduber.

AWEMainta a muera na varios ocasion for di momento cu e caso contra di ex Minister Paul Croes a inicia, cu e sistema hudicial a tuma un rumbo politico abusando di nan poder y caminda nan ta culpabel na actonan cu den un sistema hudicial integro, e cosnan aki no ta posibel.

A viola derecho di varios sospechoso den e caso di Paul Croes, y siman pasa Paul a muera Hof riba tur loke el a pasa aden durante di e investigacion y despues a sigui e caso contra di Parlamentario Benny Sievinger contra kende no a logra di comproba cu el a abusa cu su maneho como Minister pero a dicidi di acusa Sievinger di "lo" a mal uza fondo di su propio fundacion cu ta atende fondo pa su campaña electoral.

Tur cos ta muera cu e decision di "seponer" e acusacionnan contra di e comerciante Helder, cu e probabilidad ta grandi cu dentro di poco lo no keda Ministerio Publico nada otro cu tambe "seponer" e caso contra di e politico Otmar Oduber.

Ta casonan nunca antes bisto den e sistema hudicial di e pais aki, caminda practicamente Ministerio Publico y henter e sistema hudicial, ta "SECUESTRA" hendenan, violando nan derecho di un ciudadano liber pa purba di haya algo pa asina scapa cara di Ministerio Publico.

Ta realmente bergonsoso, hopi tristo con e sistema cu tin proteha derecho di tur ciudadano, cu ta e weso di lomba di democracia di e pais aki, ta presta su mes pa pone funcionamiento di e proceso democratico aki na peligro!

AVP cu 10 punto pa trece prosperidad bek pa pueblo



SENTIMIENTO, preocupacion y deseonan cu a wordo recoge den Pueblo ta forma e fuente di 10 punto importante cu AVP ta pone como areanan cu un siguiente gobernacion lo mester bay enfoca riba dje pa trece alivio y prosperidad bek pa pueblo. Asina e lider di AVP, mr. Mike Eman a enfatisa den conferencia di Prensa hunto cu colega nan hoben y profesional Wendrick Cicilia y Presidente di e hala cientifico, Fundacion Mito Croes, John Hart.

10 PUNTO DI PRIORIDAD PA PUEBLO

1. Trece alivio rapidamente pa Pueblo; Controla Costo di Bida y formalisa, den cooperacion cu Hulanda un institucion cu ta monitoria e realidad socioeconomico di nos Pueblo.
2. Mehora poder di compra; Economia husto caminda un salario di un trabao mester por ta suficiente pa un bida husto y di calidad; Prosperidad comparti;
3. Reduci costo pa haci negoshi y promove inversion y comercio pa crea mas y miho cupo di trabao;
4. Duna Pueblo nan remedinan bek y acceso rapido na especialista y cuido medico completo!
5. Pa famia por yega na tereno y construi nan vivienda propio lo haya alto prioridad; lo elimina condicionnan inhusto.
6. Aumento substancial di Pensioen di nos Grandinan, sosten special pa nos grandinan y esnan vulnerabel den comunidad y esnan cu un limitacion;
7. Yega na acuerdo cu Hulanda pa converti debe di 900 milyon den un fondo di inversion pa Aruba; Inversion den Educacion; Infraestructura pa vivienda; Renobacion di bari-onan; Creacion di areanan di deporte y recreo; Conecta Aruba tecnologicamente y digitalmente (FinTech) n'e miho plataformanan den mundo.
8. Young entrepreneurs mester haya acceso na FinTech pa por desaroya comercio digital local y internacional;



9. Renobacion di barrio y centronan di ciudad y creacion di atraccionnan di recreo y deporte;
10. Haci Aruba un Isla sigur y trankilo atrobe; Calidad di bida husto cu porvenir y perspectiva pa nos hendenan y pa nos inmigrantenan, un Aruba pa un y tur.

PREPARA PA BOLTER COS

Lider di Partido mr. Mike Eman, Wendrick Cicilia y John Hart a splica con AVP semper a traha a base di un plan cientificamente y profesionalmente desaroya y cu esey ta locual ta tumando luga awor. E puntonan cu Eman a presenta a wordo comparti cu e hala cientifico di e partido berde y esaki na su turno lo sigui desaroya e puntonan aki den un dialogo cu partido y stakeholdernan den comunidad.

Enfasis ta riba un Plan y un Team Profesional pa saca Aruba padilanti "the day after Evelyn Wever Croes". Aruba a perde 8 aña na man di e gobernacion di medida y ta ora pa bolter cos pa trece bek un gobierno cu ta pone e BON COMUN padilanti, t'e enfasis di e dirigentenan di partido berde.

Weekly SPECIALS



<p>WAS \$34.99</p> <p>\$29.99</p> <p>Per KG</p>  <p>Angus Eye Round/Roastbeef</p>	<p>WAS \$17.49</p> <p>\$14.99</p> <p>Per KG</p>  <p>U.S. Procureur Filet Steaks</p>	<p>WAS \$17.90</p> <p>\$12.99</p> <p>Per KG</p>  <p>Chicken Legs Boneless</p>	<p>WAS \$12.15</p> <p>\$9.15</p> <p>Each</p>  <p>Pangasius Fillet 1KG</p>
---	---	---	---

<p>WAS \$8.89</p> <p>\$7.29</p> <p>Each</p>  <p>Hawaiian Punch Fruit Juicy Red 128oz</p>	<p>WAS \$6.29</p> <p>\$5.19</p> <p>Each</p>  <p>Hak Witte Bonen 720grm</p>	<p>WAS \$5.49</p> <p>\$4.99</p> <p>Each</p>  <p>Gwoon Corn Flakes 500grm</p>	<p>WAS \$6.39</p> <p>\$5.29</p> <p>Each</p>  <p>Heinz Ketchup Squeeze Upside Down 14oz</p>	<p>WAS \$2.39</p> <p>\$1.99</p> <p>Each</p>  <p>Omela Unsweetened Evaporated Milk 6.9% 405 grm</p>
--	--	---	--	--

DAIRY/FROZEN	<p>WAS \$2.89</p> <p>\$2.39</p> <p>100 GR</p>  <p>Belegen Kaas</p>	HBC/GM	<p>WAS \$2.79</p> <p>\$1.79</p> <p>Each</p>  <p>AMPM Plus Algodon Absorbent 50 un</p>	DELI/BAKERY	<p>WAS \$7.49</p> <p>\$6.49</p> <p>Each</p>  <p>Wonder Texas Toast</p>
	<p>WAS \$12.99</p> <p>\$9.75</p> <p>Each</p>  <p>Pollock Salted Boneless 1LB</p>		<p>WAS \$3.89</p> <p>\$2.99</p> <p>Each</p>  <p>TLD Papel Aluminio Repuesto 13M</p>		<p>WAS \$3.78</p> <p>\$2.99</p> <p>100 GR</p>  <p>Turkey White Oven Roasted</p>

DRY FOOD

<p>WAS \$4.39</p> <p>\$3.39</p> <p>Each</p>  <p>Ragu Sauce Pizza 14oz</p>	<p>WAS \$1.79</p> <p>\$1.79</p> <p>Each</p>  <p>Melkan Halfvolle Melk HDB 500ml</p>	<p>WAS \$2.89</p> <p>\$2.89</p> <p>Each</p>  <p>Gwoon Patentbloem 1000gr</p>	<p>WAS \$4.89</p> <p>\$3.79</p> <p>Each</p>  <p>Kunhe Kruidenazijn Salata 750gr</p>	<p>WAS \$5.99</p> <p>\$4.79</p> <p>Each</p>  <p>Remia Margarine tin 450gr</p>
---	---	---	---	---

SUPER
Do it Center.

VALID FROM
05 APR - 11 APR 2024
and while supplies last

Finansa di gobierno ta bay bon pero pueblo ta den sink

ULTIMO dianan por a scucha y lesa un cantidad di noticia positivo cu gobierno a anuncia cu nan a ricibi. Un rating internacional cu a mehora. Pero tambe CAft su ultimo rapport ta duna indicacion cu ta cumpliendo cu exigencianan di Hulanda.

Den e rapport ey por a lesa con e entradanan di gobierno a mehora. Entre otro ATA mes a entrega mas di 30 miyon di surplus den nan entradanan. ATA no por haci ganashi, pa cual a manda e placa aki pa gobierno. Na mesun momento por a lesa cu hasta AZV a logra un surplus di riba 50 miyon florin. Esaki ta bay p'e fondo di reserva di AZV.

E pregunta ta pa kico a tuma tanto medida contra pueblo, hinca e ciudadanonan den un sufrimento di dobel banda. Esaki pasobra di un banda ta ranca mas na belasting for di nan, manera BBO na entrada y di otro banda ta baha e gastonan di AZV. A kita cierto remedinan cu no ta cubri mas. Pero ta remedinan cu kisas e clase media lo por afford di paga. Sinembargo pa e pensionado, p'esnan cu ta ricibi onderstand of p'esnan cu ta luchando tur dia cu e salario minimo pa luna, e ta un peso adicional.

Pakico haci tanto pa embeyece aki aya mientras cu Aruba internamente ta un desaster. Ta keda ranca y ranca placa for di e ciudadanonan. E deficit di entrada cu CBS ta papia di dje pa un famia di un, 2 of 4 hende biba di dje, ta uno ficticio. E ta mas di loke e realidad ta musta riba papel.

Con por ta posibel cu gobierno ta papia cu inflacion a baha si e bahamento aki no ta yuda e ciudadano pa nada den su bida diario. Tur cos a bira caro

y asina mes ainda prijsnan ta sigui subi.

Ta un realidad cu hendenan mester disfruta di bida tambe. No por bini cu un entrada minimo pa sobrevivi si e ciudadano no por haci nada otro cu traha, yega cas, come e minimo, drumi y despues lanta pa bay traha atrobe. Un persona of famia mester por disfruta di algo di bida. Sino ta cay den un depresion, y depresion ta nifica mas gasto pa salud publico. E ta un circulo vicioso.

P'esey na momento cu ta papia cu cos ta bayendo bon na Aruba, anto e ora esey ta nifica cu e ta bay bon pa caha di gobierno, p'e turista cu placa cu ta bin disfruta di nos isla, pero no pa e habitantenan mes. Dia pa dia e bida ta bira mas caro.

Un ciudadano a comenta cu poco dia atras el a bay cu su casa y yiu pa come algo na un di e fastfood restaurantnan. Algo cu nan no a haci pa hopi tempo y aki el a haya e sorpresa di su bida. E no por a caba di sali di e sorpresa di e prijsnan di combo. Pa nan tres a gasta mas di 50 florin.

Cu e placa ey, por a cumpra tres cuminda di e restaurant Chines band'i aeropuerto y for di cual 9 persona por a come di dje. Ken tin e curashi di puntra di con e pueblo no ta come di forma saludabel? Berdura ta carisimo. Un yoghurt chikito (sin sucu) ta costa un tiki mas cu 4 florin. Binti di e pakinan aki pa luna sali 80 florin. Berdura pa haci cuminda un siman largo pa un persona no ta sali menos di 25 florin.

Esaki t'e solucion cu gobernantenan mester busca. Baha prijs di productonan en bes di hisa gasto p'e ciudadanonan.



**NEW TIRES
IN STOCK**

**VISIT US TODAY
AND SAVE.**

Shaba ☎ 5870621 Sta. Cruz ☎ 5834363 Cura Cabai ☎ 5845046

NAPA
ARUBA



MENSAHE DI DIA
5 april, 2024

AMITA

Fuerte, den mente, curpa y spirito.
Mi ta cla pa enfrenta
tur loke bida benta riba mi.

e Poder den Mi

📷 e Poder den Mi

Aruba ta tuma medida preventivo pa evita brote di Dengue

RECIENTEMENTE Ministerio di Turismo y Salud Publico di Aruba a tuma nota di aumento di Dengue na Curaçao, unda lamentablemente ya a raporta tres morto. Pa preveni y pa Aruba ta na tempo, Minister Oduber ya a duna Gele Koorts en Muskiet Bestrijding (GKMB) instrucción pa intensifica e medidanan preventivo, mirando e cantidad creciente di caso na Aruba.

Aunke na e momentonan aki no tin ningun brote di Dengue na Aruba, ta di importancia crucial pa nos haci tur cos posibel pa preveni esaki. Pa es motibo ministerio di salud ta haci un yamada na pueblo pa hunto nos sea responsabel y nos combati criadero di sangura.

Ministerio di Turismo y Salud Publico di Aruba hunto cu DVG ta continua monitoria e situacion di cerca y lo tuma medidanan adicional si mester. Ta pidi colaboracion di ful comunidad pa preveni un brote di Dengue na Aruba.

Ta esencial pa sigui e medidanan preventivo cu a ser comparti pa autoridadnan:

- Tira afo of warda tur obheto cu por retene awa, manera baki, taira di auto y pochi mata.
- Controla tur caminda paden of pafo di cas cu por tin awa para cu lo por bira un criadero di sangura.
- Proteha bo mes contra picanan di sangura door di bisti paña cu manga largo y pia largo, uza repelente di insecto y fliet paden di cas, camber y tur area cu bo ta frecuente regularmente cu producto pa mata sangura.

Ta conseha publico pa keda atento di sintomanan di Dengue y si tin e minimo sospecho di infeccion, consulta di biaha cu bo dokter di cas.

Pa mas informacion tocante Dengue y medidanan preventivo, bo por bishita Facebook y Instagram di DVG Aruba.



EXECUTORIALE VERKOOP (AUCTION)

Caya G.F. (Betico) Croes 159-A

een perceel eigendomsgrond, 370 m²,
gelegen te Caya G.F. (Betico) Croes in Aruba,
kadastraal bekend als Eerste Afdeling Sectie P nummer 623.

Inzetprijs: Afl. 314.460,00;

Onderhandse biedingen mogelijk.

Neptunesstraat 2-A

een perceel eigendomsgrond, 342 m²,
gelegen te Oranjestad in Aruba,
kadastraal bekend als Eerste Afdeling Sectie P nummer 621.

Inzetprijs: Afl. 298.320,00;

Onderhandse biedingen mogelijk.

Voor onderhandse biedingen kan eventueel rechtstreeks contact worden opgenomen met de aanbieder, curator **mr. J.M. de Cuba** aan de Elleboogstraat 11-13.

Caya G.F. (Betico) Croes 161

een perceel eigendomsgrond, 867 m²,
gelegen te Caya G.F. (Betico) Croes in Aruba,
kadastraal bekend als Eerste Afdeling Sectie P nummer 622.

Inzetprijs: 500.000,00;

Onderhandse biedingen niet mogelijk.

De openbare verkoop vindt plaats
eerst bij opbod en vervolgens bij afmijning op
17 april 2024, om 10:00 uur
ten overstaan van notaris mr. **C.M.A. Helmeyer**, notaris in
Aruba, in de veilingzaal van Surfside Marina
(Dolphin Room) aan de L.G. Smith Boulevard 7 in Aruba.

De veilingvoorwaarden zullen uiterlijk 8 dagen voor de
verkoopdatum beschikbaar zijn op het kantoor
van Notaris Helmeyer.

Notariskantoor Helmeyer

Elleboogstraat 11-13

Tel: 280-2020 / WhatsApp: 699-2820

veiling@notarishelmeyer.com / auction@notarishelmeyer.com

www.notarishelmeyer.com



Mirrors Beauty Academy ta ofrece e siguiente servicionan

Laba
Corta
Blowdry
Keratina
Cold Wax

Tinja
Highlights / Mechtas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Hamber na Haiti empeorando a consecuencia di violencia di gang

HAITI ta den un crisis humanitario cada bes mas profundo mientras cu hamber ta plama den henter e pais como consecuencia di e violencia creciente di gang y tension politico. Trahadonan humanitario, dokter y misioneronan ta bati alarma, avisando di un situacion desesperante cu urgencia creciente.

Port-au-Prince, e capital, a bira un centro di sufrimento. Control di gang a isola e ciudad efectivamente for di mundo exterior, paralisando e cadenanan di suministro y laga miles sin acceso na cuminda y suministro esencial. Un misionero, papiando anonimamente pa motibonan di siguridad, a describi di a topa cu personanan cu no a come den un siman.

E panorama politico ta agrega n'e caos. Cu e renuncia di e Prome Minister Ariel Henry y e fayó den formacion di un gobierno nobo, e pais ta keda den un estado di incertidumbre. Un mision di siguridad multinacional planifica a wordo para, creando retonan di entrega pa cu ayudo humanitario efectiva-mente.

E consecuencianan ta serio. Unicef ta informa cu aproximadamente 58.000 mucha ta core riesgo di sufri malnutricion severo, cu camindanan bloka y hospitalnan destrui, cu ta haci cu ta dificil pa cuida medico y asistencia



humanitario yega na unda mester.

E crisis ta extende mas leu di Port-au-Prince, afectando henter e pais. Haiti, cu ta depende grandemente di importacion cu ta bin via di e capital, ta enfrenta un inseguridad alimentario agudo, cu casi 5 milyon di persona na riesgo. E director di Pais di E Programa Mundial di Alimento pa Haiti, Jean-Martin Bauer, a cualifica esaki como e pio crisis humanitario desde e temblor di 2010.

Areanan rural, manera Artibonite Valley, tambe ta recuperando di violencia y escasez di cuminda. Agricultornan ta lucha pa cultiva y bende cultivo den medio di inseguridad, cu ta conduci na un disminucion den produccion di cuminda. E corelacion entre conflicto y hamber ta evidente, cu camponan bandona y gruponan arma ta empeora e situacion.

E esfuersonan humanitario ta ser obstaculisa p'e escasez di fondo y e retonan logistico. E PMA ta keda sin reserva di cuminda na Port-Au-Prince, y solamente tin algun siman di suministro. E Plan Di Respuesta Humanitario di N. U. a ricibi fondo minimo, impediendo esfuersonan pa yega na esnan cu mas necesidad.

Den bista di e retonan aki, mester di medidanan urgente pa evita un catastrofe mas profundo na Haiti. Cu milyones di hende enfrentando hamber y violencia, e comunidad internacional mester priorisa sosten y asistencia pa evita mas sufrimento y perdida di bida.

TARA LOUNGE
by Elements
RESTAURANT

SUNDAY BRUNCH
\$55 PER PERSON | CHAMPAGNE INCLUDED
11:30 AM - 3 PM | ADULTS ONLY | CASHLESS
AC INDOOR & OUTDOOR SEATING
RESERVATIONS REQUIRED
elementsaruba.com | +297583-1100 ext 3

Agencianan di ayudo humanitario ta retira esfuerso debi na atakenan mortal di Israel



E atakenan mortal di Israel contra trahadonan humanitario na Gaza a causa retiro di varios esfuerzonan di ayudo humanitario, empeorando e situacion humanitario ya grave den e region. Despues di e atakenan aereo Israeli cu a mata shete trahado di World Central Kitchen (WCK), incluyendo seis stranhero, varios agencia di ayudo a anuncia e suspension di nan operacionnan na Gaza.

WCK y Anera, hunto cu Emiratnan Arabe Uní (UAE) a anuncia di stop nan operacionnan, mientras nan a cita preocupacionnan di seguridad como motibo di nan decision. E asesinato a genera condena internacional, y e fundado di WCK, José Andrés, a pidi Israel pa stop e asesinato indiscrimina y alivia e restriccionnan riba yudansa humanitario.

E situacion na Gaza ta critico, cu 2.2 miyon habitante enfrentando inseguridad alimentario, di cual mita ta sufri di hamber. E Clasificacion Integra di Fase di Seguridad Alimentario (IPC) ta adverti di e hamber cu ta biniendo den nort di Gaza den lunanan binidero.

E impacto di e suspensionnan aki ta severo, ya cu entrega di ayudo di organisacionnan manera WCK a ta crucial pa provee suministro esencial. Cu e interrupcion di e operacionnan di WCK, e riesgo di hamber, particularmente den nort di Gaza, ta bira mas agudo. Israel ta sostene cu no tin restriccion pa entrada di ayudo humanitario na Gaza, pero ta acusa Gaza di deliberadamente limita entrega. E ruta marino di WCK, estableci como un ruta alternativo pa yudansa, tawata ser mira como un opcion prometedora te cu e atake recien.

Como reaccion riba e suspension di operacionnan

p'e agencianan di ayudo humanitario, incluyendo WCK y Anera, e destino di e entrega di ayudo y e viabilidad di e ruta maritimo ta keda inseguro. Mientras cu Cyprus a compromete su mes na mantene su compromiso pa cu e ayudo, e retiro di actornan clave manera WCK y e posibel resistencia di otro nan ta lanta dudanan riba su efectividad den futuro. Entretanto, United Nations Public Works And Relief For Palestine Refugees in The Near East (UNRWA), e agencia di ayudo principal na Gaza, ta keda restringi pa accionnan Israeli. Nacionnan Uni a pidi e autoridadnan Israeli pa lanta e restriccionnan aki, enfatisando e necesidad urgente di esfuersonan humanitario den e region.

Mientras e crisis humanitario ta profundisando na Gaza, cu e esfuersonan di ayudo obstaculisa p'e eventonan recien, comunidad internacional ta enfrente presion creciente pa atende cu e situacion y garantiza e entrega di asistencia vital na esnan cu mester di dje.




We Are HIRING

Join Our Award-Winning Team

#1 TOP HOTEL IN THE CARIBBEAN
#18 TOP HOTELS IN THE WORLD ON TRIPADVISOR
THE FIRST CARBON NEUTRAL RESORT IN THE CARIBBEAN

OPEN POSITIONS

- ✓ **IT SPECIALIST**
- ✓ **HOST/HOSTESS (AM/PM)**
- ✓ **BEACH ATTENDANT**
- ✓ **HOUSEMAN**
- ✓ **ROOM ATTENDANT**
- ✓ **DOORMEN / DOOR LADY PART TIME**

BENEFITS

ATTRACTIVE SALARIES WITH BONUS OPPORTUNITIES
5-DAY WORKWEEK (40-HOURS A WEEK)
WITH UP TO 27 VACATION DAYS BASED ON YEARS OF SERVICE
GYM MEMBERSHIP WITH BODYZONE AND CUTS & CURVES
+ LIFE AND HEALTH INSURANCES
SAVINGS & LOAN PROGRAM, EMPLOYEE DISCOUNTS

APPLY ONLINE AT: WWW.BUCUTI.COM/CAREERS



Presidente Peruano Dina Boluarte ta logra di evadi un dispidimento politico memey di acusacionnan di corrupcion

PRESIDENTE Peruano Dina Boluarte ta logra di evadi un proceso di dispidimento politico memey di acusacionnan di corrupcion vincula na su posesion di articulonnan di luho di balor haltu, incluyendo un coleccion di Rolex y otro joyas mas. E intentonan pa dispidi e mandatario a keda rechasa dos biaha p'e legisladonan, loke ta indica un panorama politico agitado na Peru.

Boluarte, kende a tuma over e presidencia despues di e dispidimento politico di su predecesor Pedro Castillo, a enfrenta acusacionnan relaciona cu propiedad di articulonnan di luho calcula na casi mita miyon dollar. E mocionnan pa dispidimento politico no a logra reuni suficiente apoyo den Congreso, y e disposicion di e Constitucion Peruano pa un dispidimento politico basa riba "incapacidad moral" no a haya motibo pa su dispidimento.

Peru a conoce diferente cambio rapido di liderazgo, den un total di seis presidente for di 2018. E instabilidad politico di e pais ta ser agrava pa e facilidad cu por inicia procedemento di dispidimento politico sin rekeri prueba concreto di irregularidad legal.



E mandato di e gobierno actual a wordo atacha pa controversia, cuminsando cu e intento di Castillo pa dissolve e Congreso, su posterior dispidimento politico y e promocion na poder di Boluarte memey di protestanan publico.

E responde di Gobierno n'e recidencia a wordo ricibi cu critica, incluyendo acusacionnan di uzo excesivo di forza cu a causa victimanan civil. E presidencia di Boluarte a wordo marca pa un rotacion rapido den su gabinete y pa investigacionnan cu ta tumando luga riba acusacionnan di enrikeciendo ilicito. Investigadonan a amplia nan investigacion mas leu di propiedad di articulonnan di luho pa inclui investigacion di deposito bancario y otro activo di origen insigur.

A pesar di a actua malo, e gobierno di Boluarte ta enfrenta un desaprobacion publico general, cu ta refleha den indice di aprobacion depriamente tanto p'e presidente como p'e congreso. E yamadanan pa rindi cuenta ta persisti, cu demandanan di transparencia y dunamento di cuenta pa cu e acusacionnan creciente.

Segun cu e investigacion ta desaroya, tur wowo ta keda riba Boluarte y den e trayecto futuro di e panorama politico Peruano memey di desafio y incertidumbre continuo.



**ENTRANTE 1 DI APRIL 2024
TUR CLIENTE LO TA
DISFRUTANDO RED LTE**

Si bo celular no ta capacita
of mester judansa pa ajusta esaki,
Bihista nos na Tanki Leendert

Bishita nos pagina social pa mas informacion



Door di un defecto na un lansado di misil

Dinamarca ta cera un di e rutanan di lama mas transita di mundo temporalmente



Tom Little/Reuters

DINAMARCA a cera temporalmente un di e rutanan di lama mas transita na mundo pa motibo di un lansado di misil activa pero cu tabata funciona malo abordo di un barco di e Armada Danes. E Barco Niels Juel, staciona den e canal di e Great Belt na Dinamarca, a experencia un activacion inespera di e boosternan durante un test rutinario. Desafortunadamente, esfuersonan pa desactivá e lansado te awor no a logra, loke a conduci n'e autoridadnan pa tuma medida di precaucion.

E forza militar Danes a alerta e specialistanan pa trata e problema, enfatisando e riesgo potencial cu e booster activa ta representa. E preocupacionnan ta extende den un radio di 5 pa 7 kilometer for di e stacion Naval di Korsør, y ta spera cu e trayecto di e misil lo yega na altitudnan di aproximadamente 1000 meter riba awa, principalmente den direccion sur.

Riba su mes, e trayecto di e misil no ta representa un menasa p'e brug di Great Belt. Como reaccion riba e situacion, e espacio aereo den e cercania a ser cera y autoridadnan maritimo a notifica e barconan pa evita e area afecta te ora e asunto a wordo soluciona.

Mientras cu e activacion di e propulsor di e misil Harpoon ta causa di preocupacion, e funcionarionan ta clarifica cu e misil mes no ta representa un peligro inmediato di explosion.

Tanto polis como autoridadnan maritimo Danes a haya informacion di e situacion, sigurando esfuersonan coor-

dina pa maneha e interupcion maritimo na un manera efectivo. Mientras cu e specialistanan ta traha pa rectifica e mal funcion, e protocolnan di seguridad ta keda vigente pa salvaguardia e trafico marino cu ta pasa door di e canal.

COME IN WE'RE OPEN

CAYA HARMONIA 1. LOKAAL 2
NOORD (PATRAS CITGO SASAKI)

@junglecafe

Turista Mericano a muri despues cu olifante a atac'e durante safari na Zambia



Angus McComiskey/Alamy

UN turista Mericano a perde su bida tragicamente durante un aventura di safari na Kafue National Park na Zambia ora un olifante a ataca e vehiculo den cual e tabata biaha. E incidente, cu a tuma luga diaranson, tambe a laga un otro muhe herida y cuater otro cu herida leve. Wilderness, e compania di conservacion y hospitalidad cu ta supervisa e excursion, a revela cu e vehiculo, cu tabata transporta seis turista y un guia, a wordo ataca inesperadamente pa un olifante macho durante un safari.

A pesar di e entrenamiento y experiencia di e guia, e tereno

y e vegetacion a dificulta e esfuersonan pa maniobra e vehiculo rapido suficiente, cu a conduci na e encuentro fatal. E victima, identifica como Gail Mattson, di 79 aña, tabata den un aventura di un luna na Africa, describi como un biahe di soño pa su famia. Mattson, un profesional di hipoteca retira y un abuela stima, tabata conoci pa su spirito aventurero.

Despues di e tragedia, mensahe di condolencia a wordo manda pa e famia di Mattson, kendenan a ricibi e noticia devastador for di e embahada Mericano. Su yiu homber, Blake Vetter, a enfatisa e naturalesa imprevisto di e accidente, urgiedo pa no culpa e olifante of e chauffeur. E yiu muhe di Mattson, Rona Wells, a lamenta su morto riba e rednan social y a comparti recuerdonan precioso di e biahe di su mama.

Kafue National Park, famoso pa su bida silvestre diverso, ta un destinacion popular pa e entusiastanan di safari. E parke ta cas pa mas cu 200 especie di animal, incluyendo leon, leopardo y antilope raro, y ta ofrece un bista di e bida silvestre. Sinembargo, esaki no ta e prome biaha cu un tragedia ta tuma luga den e parke. Na 2016, un otro turista Mericano, Bianca Rudolph, a conoce su morto bou un otro circunstancia, destacando e riesgonan inherente asocia cu exploracion di naturalesa.

Mientras autoridad ta investigando e incidente reciente, e comunidad di safari ta lamenta e perdida di Gail Mattson, un biahero apasiona cu un spirito aventurero, cu lo wordo recorda pa tur cu a conoc'e.



**WE'RE
HIRING
SECURITY OFFICERS**

REQUIRMENTS

23 - 45 years old
Minimum Mavo or equivalent
certificate of conduct
own transport
speak & write:
Papiamento, Dutch & English

if you're interested, call us between 8am/4pm
at **588-3677**, whatsapp **594-7791**,
email: job@accesscontrolnv.com
or visit our office at Solito 100, Oranjestad



DEPORTE

deporte@awemainta.com

Aruba preparando fuerte pa Weganan Interinsular Curaçao 2024

DESPUES cu Weganan Interinsular cu a tuma lugha na Aruba y Bonaire, awor ta toca turno na Curaçao pa ricibi delegacion nan di Bonaire y Aruba pa clausura Weganan Interinsular 2024.

Weganan aki ta bay tuma lugha for di 11 pa 14 di April 2024 y e biaha aki lo competi den Atletismo, Volleyball basis school y Basketball voortgezet onderwijs.

Muchanan ta den preparacion fuerte pa asina un biaha mas duna un bon presentacion na hermana isla Curaçao.

Keda pendiente pa mas informacion di IBISA riba medionan social, tanto riba facebook y Instagram.



Violet Spa

Servicios a Domicilio

- Masajes Anti-Estress y Relajantes
- Masajes Terapéuticos
- Reflexologia Podal
- Detox Lónico

Masaje Reductor

Masajes reductores contiene:

- Aparatología Combinada
- Manta Térmica
- Maderoterapia
- Drenaje Linfático

Moldeo de Figura

con cierre de costilla y reloj de arena



+297-740-5235



Ubicación bajo demanda



BEAUTY & SPA

G A M I N G

Posibel anuncio durante e zomer aki

Rumornan di Gears of War 6 ta sigui



PREPARA pa kibra nostalgia na dos! Rumornan ta rondona cu e siguiente parti den e iconico Gears of War frankesa, Gears of War 6, por ta revela oficialmente e zomer aki. E noticia aki a lanta un tormenta di entusiasmo entre e fanaticonan, hopi di nan cu ta corda e dominacion di e serie den e era di Xbox 360.

E personanan den e industria manera Jeff Grubb y Tom Warren a alimenta e candela door di insinua un anuncio potencial di Gears 6 den e proximo lunanan. Mientras cu nan ta sugeri cu e por ta mas un teaser cu un revelacion completo cu gameplay footage, esey ta suficiente pa manda chill (of kisas goosebumps causa door di acelera un Lancer) abou e spina di fanaticonan di Gears.

P'esnan cu no tabata presente, e aparicion di Gears of War riba Xbox 360 tabata un fenomeno. Su mundo duro, combattimento brutal, y caracteristicanan iconico manera Marcus Fenix y Dominic Santiago a tuma e mundo di wega cu un tormenta. E serie a bira sinonimo di Xbox 360, bende miyones di copia y fomentando un comunidad online apasiona cu a prospera riba su modo multiplayer intenso di cooperacion.

Awor, despues di añanan di speculacion, e posibilidad di un anuncio di Gears 6 e zomer aki ta sinti manera un regreso na cas despues cu a keda warda hopi tempo. Considerando e rutina di Microsoft, nan showcase na juni ta ser considera e tempo ideal pa un Gears 6 wordo revela. E evento aki lo t'e plataforma perfecto pa reintroduci fanaticonan n'e mundo di cera y reactiva e entusiasmo cu a defini e era di Xbox 360.

Mientras cu un anuncio e berano aki ta un noticia emocionante, e hungadonan lo mester warda un poco mas pa por pone man riba e wega.

Rumornan ta sugeri cu Gears 6 por ta den desaroyo ainda, posponiendo su fecha di lansamento te cu posiblemente 2025 of hasta mas laat. Pero esey no ta baha e ansiedad. E simpel pensamento di un Gears of War nobo ta suficiente pa haci fanaticonan saca nan Lancers virtual y prepara pa otro tour of duty.

Un cos ta sigur: e posibel yegada di Gears of War 6 ta priminti di ta un momento importante pa Xbox y un regreso nostalgico pa un generacion di gamer cu a pasa hopi ora combattiendo hordanan di Locust.

‘Helldivers 2 – Democratic Detonation’ cu un update nobo di contenido dia 11 Di April



E defensornan mas ferviente di Super Earth, tin motibo pa alegra! E desaroyadornan tras di Helldivers 2 a anuncia un update nobo di contenido titula “Democratic Detonation” cu lo wordo lansa dia 11 di april.

E update aki ta priminti un arsenal nobo di arma, opcionnan di armadura mas resistente y hasta un toque cosmetico pa bo helldiver dedica.

Segun e anuncio, “Democratic Detonation” lo arma e hungadonan cu hermentnan nobo pa libera e planetanan di tirania. P’esnan recien yega n’e campo di bataya, por spera di maneha e Rifle Adjudicator BR-14, un arma cu probablemente lo trece husticia rapido, y e Rifle Eruptor R - 36, perfecto p’esnan cu ta prefera un enfoke mas explosivo.

P’esnan cu ta prefera pa enfrenta e enemigo cara-cara, e blindahe Ce-27 ta duna un miho proteccion, mientras cu e especialista den Demolition ce-07 ta atende esnan cu ta disfruta di un bon explosion strategico (of dos).

Sinembargo, e actualisacion no ta trata solamente di poder di candela. E helldivernan moderno lo tin e posibilidad pa desbloquea capanan nobo, permitiendo nan añañi un toque di personalidad na nan lucha pa democracia.

Ta spera cu mas detaye lo keda revela tocante e estadistica y funcionnan specifico di e incorporacion nobo aki mas cerca di lansamento di e actualisacion. Pues, marca bo kalender, Helldivers, y prepara pa saca bo furia democratico riba 11 di april!

TECNOLOGIA

Inteligencia Artificial tin casi 82% mas di capacidad di persuasion cu ser humano



Imagen ilustrativo - Legion-Media

E rednan neuronal por converti den un poderoso herment di persuasion y un experimento a demostra cu nan ta hopi mas eficaz den un discusion cu ser humano, vooral si nan tin acceso na dato personal. Esaki t'e conclusion na cual un ekipo internacional di científico fo'i Suisa y Italia a yega na dje den un estudio nobo.

E expertonan a realisa un experimento cu 820 boluntario cu mester a discuti pa pareha entre nan of cu e chatbot GPT-4 riba tema delicado, manera e desigualdad di genero y racial of e situacion geopolitico na mundo y despues registra e cambionan den nan postura.

Asina ey, nan a mantene mas di 200 debate den pareha, entre human of entre un humano y Inteligencia Artificial. Den e prome fase, e interlocutornan no tabata sa nada di otro, pero despues e científiconan a proporciona na un di e humanonan of n'e "chatbot" dato riba e interlocutor: sexo, edad, rasa, educacion, situacion laboral y creencianan politico.

AI ta haci hende cambia di punto di bista

A resulta cu, den ambos etapa, inteligencia artificial tabata muestra un mayor capacidad di persuasion cu e humanonan. "Nos resultadonan a muestra cu, di media, e LLM (modelo

di lenguahe grandi) ta supera significativamente e participantenan humano den tur e tema y e gruponan demografico, mustrando un nivel halto di persuasion," e estudio ta destaca.

Sin acceso n'e datonan personal, GPT-4, tabatin 21% mas di exito den e argumentonan cu e humanonan, pero cu e informacion adicional, a supera su oponentenan di carni y weso den persuasion den un 81,7%. IA, e mesun momento, a observa cu e datonan adicional solamente a bira mas dificil n'e humanonan, empeorando levemente nan resultadonan.

Un conclusion inkietante

Encuanto esaki, e expertonan a observa en particular cu GPT-4 ta capaz di uza informacion personal di forma hopi mas eficaz cu e humanonan pa persuadi den e conversacionnan. Esaki ta specialmente preocupante den e contexto di e posibel uzo di "chatbots" di parti di e actornan malicioso pa campaña di desinformacion den gran escala.

"Nos ta sostene cu e plataformanan online y e medianan social lo mester considera seriamente e menasanan aki y amplia nan esfuerso pa aplica medida cu ta contraresta e propagacion di e persuasion impulsa pa LLM," e expertonan a adverti.

Aeropuerto na Merca lo uza cacho robot pa core cu bida silvestre

E Departamento di Transporte di Alaska a anuncia cu nan lo uza un cacho robotico pa mantene e parhanan migratorio y otro animal salvahe leu di e pistanan di e Aeropuerto Internacional di Fairbanks, e di dos mas grandi di e estado Mericano aki, AP a informa diasabra.

E robot canino yama 'Aurora', a wordo fabrica pa Boston Dynamics. Di acuerdo cu e medionan local, el a costa cerca di 70 mil dollar y a wordo financia cu un subsidio di 2 miyon dollar proporciona p'e Departamento di Agricultura di Merca.

Un robot camufla di depredador

E Departamento di Transporte di Alaska ta spera cu nan "contratacion nobo" contribui na mehora y aumenta "e seguridad y e operacionnan di e aeropuerto" di Fairbanks. E director di programa di e Departamento, Ryan Marlow, ta splica cu Aurora lo imita e movementonan di un animal depredador cu e fin pa core cu e fauna cu ta establece cerca di e pistanan di aterisahe.

E robot ta conta cu panel reemplasabel cu ta permitie p'e "disfrasa" di coyote of di vos, Marlow ta señala. E panelnan aki no lo ta hiperrealista y a dicidi no cubri nan cu cuero di animal p'e robot ta totalmente resistente n'e ambiente.

E habilidadnan di Aurora lo cuminsa purba entrante herfst, na comienso di e temporada di e parhanan migratorio. Segun Marlos, tin planea p'e robot realisa patruya cada ora den un zona den aire liber, cercano n'e pistanan pa impedi impacto dañino entre avion y animal.

Aplica e medida n'e otro aeropuertonan di Alaska

Si e implementacion di Aurora tin exito den e aeropuerto di Fairbanks, lo evalua e posibilidad di uza robot similar den e aeropuertonan rural di Alaska, un medida cu, Marlow ta indica, lo ta mas rendabel cu contrata especialista di bida silvestre.

E idea di purba Aurora a surgi despues cu a considera riesgoso e plannan di uza repelente a base di juice di druif mediante drone. Den e decada di 1990, autoridad di e aeropuerto di Anchorage, e ciudad mas grandi di Alaska, a libera un grupo di porco cerca di un lago pa nan come webo di e parhanan cu tabata nest eyan. No obstante, e medida disuasorio aki a fracasa.

E datonan di e Administracion Federal di Aviacion di Merca, ta revela cu aña pasa, a reporta 92 impacto entre avion y animal n'e aeropuertonan di Alaska, 10 di nan na esun di Fairbanks.



Director di e programa di e Departamento di Transporte di Alaska, Ryan Marlos, ta haci un demostracion di e cacho robotico, dia 26 di maart 2025. Anchorage Daily News / AP



Director di e programa di e Departamento di Transporte di Alaska, Ryan Marlow, ta haci un demostracion di e cacho robotico den e ciudad di Anchorage, dia 26 di maart 2025. Marc Lester / AP



Ilustracion di e robot Aurora disfrasa di vos.
Alaska Department of Transportation and Public Facilities/AP

FARANDULA

Morocho Siames Abby Hensel a casa den secreto

ABBY Hensel, un di e morochonan Siames mas famoso di mundo, a sorprende hopi hende ora cu el a casa den secreto na añu 2021 cu Josh Bowling, un nurse y veterano di Ehercito Mericano. E noticia aki a wordo reporta recientemente p'e website Today, revelando detaye intimo riba e bida di e pareha peculiar aki. E casamento tabata discreto y e imagennan di e ceremonia a sali na cla recientemente riba e portada di prensa. Desde e tempo ey, Abby y su casa Josh ta biba na Minnesota, luga caminda e morochonan a nace y a crece.

Abby y Brittany Hensel, awo di 34 añu, a bira famoso na 1996 despues di a protagonisa un episodio di e programa "The Oprah Winfrey Show", caminda cu nan a comparti nan storia unico cu mundo. Despues, nan a protagonisa nan propio reality show riba TLC titula "Abby and Brittany," cu a permiti e audiencia sigui di cerca nan bida di tur dia y siña mas riba nan relacion special como morocho Siames. A pesar di e atencion mediatico, e rumannan a mantene nan bida relativamente priva y a opta pa biba un bida trankil y normal, leu di camara.

Actualmente, Abby y Brittany ta traha como docente na un scol, un profesion cu ta pasiona nan y ta permiti nan contribui positivamente na educacion di mucha. Nan dedicacion n'e trabao y nan habilidad pa supera reto a inspira hopi hende rond mundo, demostrando cu limitacion fisico no mester ta un obstaculo pa alcanza soño y persigui felicidad.

E morochonan Siames ta comparti ader y algun organo ubica n'e banda robes di e curpa. E conexcion fisico unico aki a trece desafio a lo largo di nan bida, pero tambe a fortalece nan vinculo y a permiti nan desaroya un profundo compron-



demento y aprecio mutuo.

Temp cu Abby y Brittany a nace na 1990, nan mayornan a enfrenta e decision dificil pa separa nan quirurgicamente. Sinembargo, despues di a consulta cu varios dokter, nan a tuma e decision di no sigui cu e operacion debi n'e riesgo halto y e poco posibilidadnan di sobrevivencia pa ambos morocho. E decision aki tabata un acto di amor y curashi di parti di nan mayornan, kendenan a scoge pa brasa e singularidadnan di nan yiunan y brinda nan amor y e sosten necesario pa enfrenta e retonan cu tabata spera nan.

E matrimonio di Abby cu Josh Bowling ta marca un trend significativo den bida di e morochonan Siames. A pesar di e dificultad y e obstaculonan cu nan a enfrenta, Abby a haya amor y felicidad na banda di su casa. E discrecion di nan casamento a reflega nan deseo di mantene nan bida priva, leu di e medionan di comunicacion y enfoca pa construi un futuro hunto.

E amor entre Abby y Josh ta un recordatorio poderoso cu amor berdadero ta transcende e diferencianan fisico y e circunstancianan unico di cada individuo. Nan historia ta siña nos e importancia di acepta y celebra diversidad den tur su formanan y ta recorda nos cu amor por florece den e luganan mas inespera.

Por ultimo, Abby Hensel ta mas cu un morocho Siames famoso; e ta un hende muhe fuerte, balente y dicidido cu a conkista desafio y a haya felicidad den su propio termino. Su matrimonio cu Josh ta un testimonio di e poder di amor y e capacidad di e ser humano pa haya alegria y plenitud, hasta den e circunstancianan mas extraordinario.

NUEVA RUTA

LIMA ✈️ ARUBA

Todos los jueves,
sábados y domingos

PARA MAS INFORMACION VISITA WWW.AIRPORTARUBA.COM

COMPRA
tu ticket en
www.latamairlines.com

Leonardo Figaroa (PDP):

Nos ta boga pa un reparticion husto di e prima di AZV p'e pensionadonan

DURANTE mi preparacion mas y mas pensionado ta acerca mi cu e pregunta di kico t'e vision di mi y PDP REGARDANDO e pensionadonan. Pa mi boso t'e hobennan adulto mayor cu a traha duro durante e ultimo decadanan.

Pa mi como un hoben e ta sentimentonan di gratitud y respet pa tur locual boso a logra, e logronan ey ami como un hoben di e futuro generacion por disfruta awe. E trato pa cu e prima di AZV no ta husto y e argumento cu e pensionadonan ta haci mas uzo di AZV forsando nan paga e prima completo mi ta haya uno inaceptabel.

MEP y gobierno su compromiso

Gobierno a priminti e pensionadonan di lo a reduci e edad di pensioen pero no por a cumpli cu esaki. E realidad ta otro cu e promesa populista aki. Mientras ta tira santo den wowo di e pensionadonan cu un forum nacional e tema mas importante p'e grupo grandi aki ningun politico tin e curashi pa papia ariba dje. E prima di AZV.

E ta importante pa menciona cu subida di pensioen no automaticamente ta mehora e poder di compra di e pensionado, netaamente si e pensionado su pensioen keda aumenta e lo por hasta conduci cu e lo por cay pafo di e maximo di 30.000 AWG cu consecuencia cu locual supera e suma aki riba menciona e pensionado lo mester paga no 6.5% sino 10.5%.

Nos ta compromete nos mes pa trece un alivio real pa e pensionado, mirando cu esaki ta inhusto. Nos punto di salida t'e paquete di sobrevivencia unda nos ta kere cu cierto toeslagen lo mester keda introduci pa por remedia e situacion di costo di bida cu ta keda subi tur dia.

Nos proposicion

E realidad ta cu Aruba tin mester di cada sorto di impuesto pa por cumpli cu e tarea colectivo cu sector priva lo no facilmente inverti aden. Cu e acuerdonan cu Gabinete Wever-Croes II a firma cu Hulanda pa los af mas o menos 30 miyon na interes riba e covid-liquiditeitssteun no ta haci e situacion financiero facil p'e siguiente gobierno.

Un di tareanan aki ta cuida medico y nos sa cu e BAZV ta un 'bestemmingsheffing' cu full pueblo di Aruba ta paga pa entre otro nos sistema di cuida medico keda accesibel pa tur ciudadano.

Nos proposicion ta pa habri un dialogo y yega na un reparticion di e prima di AZV mas husto p'e grupo di pensionadonan.



1. Reduci e premie-inkomen/premie loongrens p'e grupo di pensionadonan na un suma di AWG 40.000. E werkgevers gedeelte ta keda elimina!

2. Introduci un prima standard, un basis-premie p'e pensionado cu lo no supera mas di 5% di e entrada di e pensionado mensualmente, esaki ta significa p'e pensionado 'alleenstande' mas o menos 60fl pa luna cu lo traduci na 700fl pa aña. Gobierno lo genera ainda 30 miyon na entrada pa cubri gastonan medico.

3. Gradualmente introduci e 1,5% AZV riba e empleadonan pa cubri e gasto di perdida di gobierno. E prima social pa empleadonan lo keda aumenta, pero den e paquete di sobrevivencia lo nos introduci metodo di compensacion p'e famianan mas afecta.

4. Introduci un 'sugar tax' dentro di 3 aña pa yuda cubri gastonan di salud y promove un cuida mas preventivo mediante cambiando e palabra di e meta den e Landsverordening Algemene ziekteverzekering, di 'curatief pa preventief'. E 'sugar tax' lo encera 2% cu un reparticion na un fondo pa agricultura, deporte y AZV.

Hopi lo haci e pregunta dicon mas impuesto?

Nos como organisacion ta consciente cu e maneho cu implicacion grave di partidonan MEP y AVP ta conduci cu pais Aruba tin un GIGA-debe y esaki nos tin cu reduci prome cu nos papia riba inversion. P'ami e introduccion di un 'paquete di sobrevivencia' ta locual nos ta kere ta bay brinda un alivio pa combati y reduci substancialmente e pobreza structural di nos Isla.

E ta consisti no solamente di introduccion di diferente toeslag p'e ciudadano pero tambe papia riba con nos lo por reduci e gastonan basico di e ciudadano, manera awa corriente cuminda y gasolin.

Parlamentario Marco Berlis (MEP):

Mike Eman a laga pensioen na snechi

ALGUN dia pasa Mike Eman a sali den un rueda di prensa y a promete cu ora AVP drenta gobierno e lo “redobla” pensioen di nos grandinan. Mirando cu Mike Eman no gusta traha cu rekensom, e la wordo puntra con ta bay paga pa esaki. Mike Eman a responde: “Bo tin cu wak unda bo tin di CORTA y bo tin di fiha prioridadnan cu ta na interes di henter bo pais”. Esaki ta e lenguahe politico cu Mike Eman a uza pa anuncia na pueblo cu AVP lo sigui “CORTA” cu medida pa supuestamente cumpli cu su promesa.

Mike su desesperacion pa pone un AVP na werki bek riba pia, awo ta hungando cu e sentimento di nos grandinan. Sinembargo, pensionadonan hamas lo lubida con Mike a masacrenan cu medida durante su gobernacion di 2009-2017. Den tempo di bonansa Mike Eman a “CORTA” pensioen lag’e na snechi. Cu Mike su declaracion, awo e destructor di pensioen kier pretende di ta su salador? Historia a demostra cu Mike lo papia cualkier cos pa bin bek na poder!

APPAREL

BOAT ACCESSORIES

TODOMAR

f TodomarAruba @TodomarAruba TodomarAruba +297 585 0555

FISHING TACKLE

FIBERGLASS PRODUCTS



Historia y hechonan ta muestra nos cu no por confia Mike Eman su promesanan

1. Mike Eman a grita den campaña di un forma dramático cu e lo kita BBO. Kico a sucede? Mike Eman a subi BBO te na 3.5%, y a bulldoze e ley di BAZV den Parlamento di Aruba.
2. Mike Eman a drenta gobierno y a bisa cu e lo atende cu e debe nacional y bah’e. Kico e la haci? E la redobla nos debe nacional y e interes a bay di 110 milyon pa 283 milyon pa aña!
3. Mike Eman a goberna den tempo di bonansa y no a subi pensioen, alcontrario, e la ‘CORTE’!
4. Mike Eman enbes di a ‘redobla’ pensioen durante su gobernacion na 2009-2017, a practicamente CORTA y “halveer” e entrada di pensionadonan na snechi.

Memey di bonansa Mike Eman a caba cu pensionadonan den su gobernacion di 2009-2017

1. Mike Eman a haci tur pensionado perde nan bashipremie, gelijkbedrag y tambe back to school premie. Haciendo esaki Mike Eman a kita miles di florin na beneficio pa aña for di pensionadonan, lagando nan entrada mescos cu garnachi.
2. Middelloonregeling a mata e structura di pensioen drásticamente, y pensionadonan a bay atras cu cientos, y tin biaha miles di florin pa luna. Unda antes pensionadonan tabata haya 70% di nan ultimo salario ricibi di trabou, Mike Eman a calcula un promedio di nan salario durante nan carrera y duna nan 70% riba esey!
3. Mike Eman a subi edad di pensioen di 60 pa 65 aña, asina kitando un biaha mas 5 aña di pensioen for di nos grandinan. Si conta 5 aña di pensioen na mil Afl. 3 mil mes, Mike Eman a kita Afl. 60-180 mil of mas for di nos grandinan! Acaso Mike Eman ta kere cu pensionadonan lo lubida su traicion?

Contrario na AVP, desde Gabinete Wever-Croes a drenta gobierno, a subi pensioen 6 biaha pa un total di 15% entre 2017-2024. Ademas segun indicacionan, gobierno lo por subi e pensioen e aña aki atrobe substancialmente. Esaki ta e realidad: MEP ta subi pensioen a pesar di tur crisis cu a asota nos pais, mientras cu Mike Eman a laga e pensioen den “coma” den tempo di bonansa!

Parlamentario di AVP, mr. Arthur Dowers:

Hende mescos cu naturalesa ta blanco di atake y persecucion di partido MEP



ESEY t'e conclusion cu ex minister di husticia y actual parlamentario di Partido di Pueblo Arubano AVP a yega na dje y cu a comparti cu medio local di comunicacion for di e rotonde di driekiel na Eagle Beach diaranson mainta.

E atake contra nos yiu di tera cu Dowers ta papia di e dje ta e persecucion politico riba Nigel Maduro, activista ambiental. T'asina cu for di oficina di e minister di husticia lo a sali un yamada pa autoridadnan policial y hudicial pa duna prioridad na su detencion y caso penal.

Dowers: "AVP ta lamenta profundamente cu ta maluz a husticia continuamente pa persecucion politico. Ta hopi importante pa realisa cu e persecucion aki a inicia y haya forza basa riba e echo cu a sospecha cu e persona envolvi ta famia di un politico di partido AVP."

Den henter reino Hulandes por a mira diferente protesta tuma luga; y ora cu cos ta bay fo'i man, naturalmente husticia mester interveni. Sinembargo, e acto di pinta algo riba un muraya no ta hustifica e detencion y prioridad cu a duna na e caso en particular aki.

Mientrastanto a pospone hopi otro caso, hera di mas peso e importancia. Despues di tempo, Hues ta hay'e ta reduci e sentencia door di e tardansa. "Tres dia m'a compronde e persona aki a keda den cel. El a haya menos ora di castigo cu el a pasa deteni den warda. Cos ridiculo cu ta pasa na e pais

aki," Dowers a declara.

Y aunke Minister Tjon a nenga cu ta for di su oficina a pone presion riba autoridad, su record ta muestra cu den pasado caba el a haci mal uzo di su posicion como miembro di Parlamento pa bay cerca procurador general y un investigacion riba un contrincante politico. Mas despues si e no tabata dispuesto mas pa entrega autonomia hudicial di Aruba, pa asina evita investigacion den direccion di su partido.

"E driekiel cu mester a bira un simbolo cu ta motiva e proteccion di naturalesa, awo ta un simbolo cu ta recorda nos tur cu mester proteha tambe ser humano for di persecucion politico di partido MEP. Nan ta abusa di e poder cu a haya fia for di pueblo," Dowers a bisa recordando cu e propio Evelyn Wever-Croes y su coleganan di partido a grita dilanti di parlamento cu si ta necesario nan lo kima parlamento y agredi polis; mesun accion cu awor ta persigui Maduro p'e, pero pasobra e lo ta famia di un politico di oposicion.

Parlamentario Dowers a conclui su declaracion door di urgi e pueblo di Aruba pa no Laga permiti MEP bin atrobe y purba di tira santo den nos wowo. Ta bisto cu MEP ta un partido cu ta simbolisa pa inhusticia, pa trapa e derecho di hende y pa abuso di poder.



Bin bishita nos y probecha!
Paña di bon calidad na bon prijs.

Adres: Avenida Milio J. Croes 47 local 3
Telefon: 5646733 - 5653466
E-mail: info@carlymar.com

Eric Ras(Curpa):

Aruba mester di representacion cristian berdadero den parlamento

E lema di World Economic Forum ta: “*lo bo no tin nada y lo bo ta contento*”. Si nos lesa e lema aki nos por saca nos conclusion cu nos gobierno den e ultimo 20 aña a cumpli cabalmente cu e lema aki. Nos gobiernonan den e ultimo 20 aña a crea un mega debe di mas cu 6 biyon florin. E culpabelnan ta partido MEP y partido AVP.

P’esey pueblo no por lubida e 13 di November 2020 ora nos prome minister a firma ‘COHO’. Nunca tabata tin un dialogo nacional paso no tabata tin participacion real. Introduccion di e landspakket awe keto bay ta na vigor y mayoria di e landspakket a drenta na vigor. Un di e puntonan t’e open border policy. E punto aki ta pa caba cu identidad di Aruba. Europa y Merca ta un ehempel.

Nos por corda locual cu van Huffelen a expresa esta cu bo no por kere Minister President di Aruba su palabra ni locual cu el a firma. Cuanto biaha a core tras di Minister President p’e landspakket y acuerdonan cu el a firma y no a cumpli cu nan. Nos sa cu algun minister di e Gabinete Rutte ta alumno di World Economic Forum y p’esey tabata pusha Aruba pa sigui den mesun direccion.

E Hulandesnan mes a perde na bos y Hulanda a perde su identidad. Hulanda ta wordo goberna pa Union Europeo y e unico cos cu mester haci ta hinca biyones di euro den caha di Union Europeo.

Danki Dios paisnan den Europa nan wowo a habri cu nan no ta kere den

e World Economic Forum ni tampoco den e Sustainable Development Goals. No ta por nada e agricultornan na diferente pais Europeo a protesta contra e 17 punto di Sustainable Development Goals cu kier sclavisa mundo henter cu nan plan comunista.

Un Prome Minister no por dicidi pa henter un pais. Locual cu e omo a logra e sobrina a entrega. Den un noticia cu no por a confirma parce cu nos prome minister den su reaccion na Hulanda a ofrece Oranjestad como capital di provincia extra-ordinario Caribe Hulandes. E mentalidad di colonialismo di Hulanda ta sigui. Esaki ta discriminacion y no e igualdad di genero caminda cu kier legalisa matrimonio di mesun sexo.

Locual cu Wilders mester haci ta ruim op e corrupcion den e gobierno Hulandes. Wilders ta busca e splinter den wowo di Aruba pero e mester saca e balki for di nan propio wowo. Ora Hulanda duna bo algo bo mester habri bo wowo hancha pa mira kico e ta bay kita for di bo. Hulanda a hinca 1000 biyon euro di cambio climatico y cuanto placa a wordo hinca den e guerra di Ucraina. E 916 miyon florin di prestamo na Aruba ta keda manera un cen den tur e biyones. Wilder no ta nan pero parce lo no ta miho cu nan tampoco.

Aruba mester un gobierno di hendenan cu ta pone Aruba na prome luga y no nan beneficiacionan personal. Aruba mester di un gobierno cu cristiannan berdadero cu tin temor di Dios. Un gobierno cu mentalidad di reino pa asina nos isla chikito pero si respeta por wordo bendiciona.

E parlamentarionan supuestamente Cristian no a haci nada pa nos isla, solamente biaha y cumpli cu ordo cu ta bin di Cocolishi. Nos tin un gobierno inhusto cu no ta respeta boluntad di Dios y ta bin cu leynan cu ta contra leynan di Dios. E maldad di nos gobierno a haci hopi daño na nos isla. Dios su tempo ta perfecto y ta tempo pa nan recoge e maldad cu nan a sembra. Leynan di Dios no ta negociabel pa partido Curpa. Partido Curpa ta e unico alternativa.

BAN COLOMBIA BOGOTA CALI MEDELLIN

ARUBA/ COLOMBIA CUMINSANDO NA PA DESTINO
\$100 USD

AUA
AEROPUERTO INTERNACIONAL REINA BEATRIX

wingo.com
¿Cómo quieres volar?

Otmar Oduber di Plataforma Nos Pais

Ta di elogia cu despues di casi 3 aña ta realisa e importancia y urgencia pa atende cu e situacion di nos pensionadonan

OTMAR Oduber di Plataforma Nos Pais a elogia e iniciativa cu a tuma luga siman pasa unda a realisa un foro pa adultonan mayor. Si e ta cuestiona e hecho cu a tarda 3 aña pa organisa e tipo di conferencia aki. Plataforma Nos Pais for di aña pasa caba a bin ta treciendo dilanti cu loke ta sosode cu nos adultonan mayor no ta aceptabel y ta un berguensa y tristeza pa mira con nos grandinan tin cu biba.

Aña pasa Otmar a reuni cu organisacion OPPA y despues di esaki a bin afo y muestra riba e hecho cu mester duna atencion n'e pensionadonan na Aruba. *"Mi ta kere nos t'e prome organisacion cu a sali afo y bisa cu nos tin entre 24 cu 28 mil pensionado na Aruba y di e total aki 14 pa 18 mil ta biba cu un entrada bou 900 Florin pa luna"*.

Tristo pa mira con ningun miembro di Parlamento ta papia riba esaki, ni oposicion y ta parce cu cada ken ta bezig cu

nan propio agenda, lubidando cu tin un grupo grandi den nos comunidad cu merece atencion.

Inclusive Plataforma Nos Pais a bin cu e propuesta pa legalisa e 12 pa 15 mil indocumentado cu tin riba Aruba cu ta trahando, pero no ta pagando SvB, AZV, ni belasting.

Si ta djis inclui nan, ya caba por yuda e grupo di pensionadonan cu awe ta paga 9.5% di AZV, cual ya caba lo ta un alivio.

Tambe Otmar a menciona cu no por castiga e pensionadonan cu ta busca un entrada extra, manera bende pastechi, huur un apartamento of busca un di dos trabou.

Un biaha mas, e ta aplaudi e iniciativa di duna atencion na nos grandinan y ta spera cu e bira un prioridad den maneho y no bolbe lague un banda, pasobra nos adultonan mayor merece y tin mester di e atencion awo!



CARIBBEAN CINEMAS
VIP
A PREMIUM EXPERIENCE

Caribbean Cinemas
PASEO HERENCIA

COMFORT, FOOD AND COCKTAILS

FOR SHOWTIMES AND ONLINE TICKETING:
WWW.CARIBBEANCINEMAS.COM

📞 **787-999-3292**

📷 @caribbeancinemasaruba

📌 Caribbean Cinemas Aruba

DOWNLOAD OUR APP

GET IT ON Google Play

Download on the App Store

Otmar Oduber

Mester adapta leyman y permiti nos adultonan mayor sigui traha si nan ta desea y tin e forsa p'esaki

OTMAR Oduber ta di opinion cu n'e momentonan aki tin areanan cu tin mester di trahadonan y ta considera cu si un adulto mayor ta sinti y desea cu e por sigui traha despues di a yega edad di pension, mester por adapta e leyman pa permiti esaki.

Un ehempel di esaki ta maestronan di scol, kendenan debi n'e ley, ora nan yega edad di pension, nan ta obliga di bay cas, siendo cu nan lo por tin e deseo y capacidad pa sigui traha pa 5 of 10 aña mas.

"Mi ta kere cu nos mester duna e oportunidad na nos gran-

dinan, p'esnan cu tin experiencia, sigui traha te unda cu nan por y desea. Logicamente mester parkeer nan pension un rato y por duna nan hasta un bonus n'e ratio di e pension cu nan no a cobra, ya cu nan lo sigui biba cu nan salario, cual ta un entrada mas halto".

Otmar ta expresa cu tin hopi hende fuerte cu por sigui traha, mas aun si tene na cuenta e cifranan cu a bin dilanti durante combersacionnan sosteni cu OPPA, cu ta indica cu 1 di cada 4 adulto mayor na Aruba ta biba den pobresa, cual ta algo inaceptabel!



SIGN UP NOW

VIA STIMAMI STERILISAMI'S WEBSITE &
SAVE UP TO 45% OFF YOUR PET'S
STERILIZATION COSTS PLUS GET A FREE
MICROCHIP!

**45%
OFF**



**FREE
MICROCHIP**

Parlamentario Marco Berlis (MEP):

Mansur un biaha mas ta resorta na mentira riba topico “No More Hotels”

MA tuma nota cu tin un video di Miguel Mansur circulando y a “sponsor” riba Facebook, den cual e ta hibando su “betoog” den Parlamento y ta declara cu gobierno a duna permiso pa traha 5 mil camber mas aki na Aruba. Ta parce cu Mansur desespera pa voto awor kier pinta gobierno scur, y kier “uza” e topico di “no more hotels” cueste loke cueste pa manipula pueblo na su favor. Pa desenmascara e mentiranan di Miguel Mansur mi lo uza pruebanan concreto y documentonan pa demostra un biaha mas cu e ta un calumniador “eerste klas.”

ATA a bin duna un presentacion na Parlamento

- Riba 15 di Februari 2024, ATA a bin na Parlamento di Aruba y a duna un presentacion di su Corporate Plan. Den e presentacion aki por a wak cu e gobierno actual a reduci e cantidad di compromiso di camber for di 7.000 te na 1.971 pa 2025. Despues di 2025-2030 esaki lo ta 1.357. Ainda mi ta rasca mi cabes puntrando mi mes for di unda Mansur a inventa cu lo bay construi 5.000 camber mas na Aruba. Ken te gañado awo?
- E informacion aki riba a keda confirma atraves di contestacion cu mi a ricibi di minister Dangui Oduber na mi preguntanan di “No More Hotels” cu ma publica algun siman pasa. E contestacion riba mi preguntanan a drenta Parlamento 14 di Februari 2024 y ta un documento publico na cual tur parlamentario tin acceso. Mansur tin acceso na esakinan! ATA y gobierno ta papiando e mesun idioma y ta comparti e mesun informacion cu mi tin. Kiermen, ken ta e gañado?

ROPV ta splica e asunto di “No More Hotels” claramente.

Riba e www.DIP.aw por haya e documento riba e tema aki y riba e ROP y ROPV. Na punto 2.9.2 di e documento ta mustra claramente cu:

- Riba 1 di December 2018 e Minister di Ruimtelijke Ontwikkeling, Infrastructuur en Milieu a pone un moratorium riba hotel y condominiumnan nobo. Kiermen, gobierno a dicide caba na 2018: “No More Hotels!”
- No lo duna mas erfpachtrecht pa proyecto di hotel, excepto esnan cu a wordo duna prome cu 2017 pa gobierno di AVP y cual contract ta dificil pa cancela.
- Tin un excepcion pa Secrets y pa construi algun boutique hotels pe centro di San Nicolas y Oranjestad pa asina subi e fluho di cliente y turista y revitalisa caya principal di ambos ciudad.
- Punto 2.5.3 ta subraya lo siguiente: Den e añanan prome



cu 2017 peticionnan a wordo entrega na Gobierno di AVP pa construi mas di 7.000 camber di hotel.

- Segun ROPV por construi te cu 2.400 camber entre 2020-2025. Sinembargo a opta pa reduci esaki na 2.000 camber. Con esaki a sucede?
- Di 7.000 camber 2.000 a wordo acorda via acuerdonan verbal. Esakinan por a wordo cancela mesora segun e ROP 2019, cual a sucede tambe.
- Di 5.000 (7.000-2.000) camber cu a resta, 1.672 a haya e “optie pa erfpacht” pero no a logra e criterionan necesario. P’esey e “optieverlening” no a wordo extendi. Esaki a baha e cantidad di camber e ora pa 3.328 (5000-1672).
- Pa mantene e cantidad cerca di 2.000 camber a opta pa schuif a cantidad di 1.357 camber despues di 2025. E doñonan di e proyectonan a wordo notifica di esaki. Den e ROPV e 1.971 cambarnan restante (3.328-1.357) tin e siguiente destinacion: (1) 991 camber turistico pa “Westkust,” (2) 680 camber turistico pa “Oostkust,” (3) Havenfront Oranjestad 200 camber, Centro di San Nicolas y Oranjestad cu 100 camber mas.

Ken te gañado awo? Ya bo sa!

Mansur, bo mentiranan continuo, bo comportacion emocional instabil, bo arogancia y atakenan baho contra bo contrincantenan ta bisto. Pero conta cu mi pa desenmascara bo cada bes cu bo sali pa gaña pueblo. Hunto cu e publicacion mi ta encera tur e documentonan di prueba di kico mi ta splicando den e articulo. Por haya nan riba mi Facebook: Marco Berlis Oficial.

Prome Minister a participa n'e 'Green Overseas Programme' workshop pa miembronan di OCTA

RECIENTEMENTE durante su bishita na Corsou, Prome Minister Evelyn Wever-Croes a wordo invita pa duna un discurso na un workshop di Green Overseas Programme tocante Energy Policy & Regulation pa miembronan di OCTA.

E workshop a enfoca riba e capacity building, e intercambio di experiencia y "best practices" pa e miembronan. E echo cu Prome Minister ta presidente di e asociacion di OCTA pa 2024, ta crea hopi oportunidad y beneficio pa Aruba.

E Green Overseas Programme ta enfoca den 3 area: Transicion di Energia, Resiliencia di Energia y e acceso na Financiamiento Climatico. Durante su discurso, Prome Minister a duna su punto di bista riba e 3 areanan aki.

Transicion di Energia

Transicion di e Energia ta hopi importante pa un pais. Unabes haci e transicion pa energia limpi, lo reduci e dependencia di e isla riba combustibel fosil, kitando asina un peso grandi riba e costo di bida y economia di un pais pa motibo cu esaki ta depende di prijs mundial di petroleo.

Resiliencia di Energia

E Resiliencia di Energia unda e islanan mester contribui n'e debate global riba cambio climatico, por ehempel cu e de-carbonisacion, principalmente cu e reduccion di e emision di Co2 den atmosfera.

Financiamiento climatico

Prome Minister a pone enfasis riba e acceso na financiamiento climatico, cual lo permiti e islanan realisa e Adaptacion Climatico, cu ta rekeri inversionnan grandi den infraestructura pa prepara p'e efectonan di e cambio climatico. Ehempel t'e aumento di e nivel di awa di lama, clima extremo y segura cu ta echonan cu ya no por wordo evita.

Na final di su discurso, e mandatario a indica cu pa tin un maneho responsabel y exitoso pa loke ta cambio climatico, tur hende mester duna di nan parti. *"Ta solamente uni, nos lo logra"*, Prome Minister a expresa.



Minister Ursell Arends:

Dialogo continuo den sesion interactivo di Foro Nacional pa Adulto Mayor

DURANTE e segundo edicion di 'Foro Nacional pa Adulto Mayor' dia 26 di maart 2024, a organisa varios sesionnan interactivo. Alrededor di 150 participantenan a bini hunto pa intercambia ideanan y conocimiento riba esfuersonan actual pa atende cu e retonan y oportunidadnan di enbehecimento.

E Foro Nacional pa Adulto Mayor ta un evento organisa door di Minister Ursell Arends hunto cu Directie Ouderenzaken pa explora solucionnan sostenibel y mantene lasonan bou di gruponan di interes di adulto mayor.

E evento a inicia cu presentacionnan duna door di stuurgroep y werkgroepen y e orador internacional Sr Ab Klink, ex minister di Salubridad, Bienestar y Deporte di Hulanda. Diferente recomendacion y sugerencia nan a wordo treci dilanti riba temanan di, entre otro, cuido na cas, financiamiento di cuido y enbehecimento activo. Despues di esaki, esnan presente a participa na sesion interactivo riba e temanan menciona pa sigui añadi ariba e plannan y pa honra e compromiso cu nos adultonan mayor.

Den e sesionnan interactivo a profundisa den discusionnan centra riba e reto y oportunidadnan. E dialogo aki a demostra e deseo sincero di e comunidad pa colabora cu otro y atende cu e necesidadnan di e adultonan mayor.

Temanan relevante manera bienestar fisico y nutricion a ser discuti, subrayando e importancia di conscientisacion y acceso na un dieta saludabel y pagabel. Ademá, con pa fortalece e conexionnan familiar y promove un estilo di bida mas activo y saludabel como esfuerson preventivo di malesa cronico pa adulto mayor como tambe p'esnan no 60+. Un otro tema discuti t'e sosten pa dunado di cuido informal, esta mantelzorgers, varios di cual ta un yiu of ruman cu ta cuida un miembro di nan famia na cas. Iniciativanan educativo y clarificacion di e opcionnan di sosten disponibel tabata puntonan treci dilanti. Financiamiento di cuido tabata un otro topico discuti intensivamente, mirando e lista di espera na casnan di cuido pero tambe e costonan di cuido na cas.

E contribucionnan di e sesionnan interactivo lo wordo poni den un rapport y ser publica dia 18 di april 2024 riba publico. aw. E resultadonan clave lo forma e base p'e futuro desaroyo di maneho, garantizando cu cada adulto mayor na Aruba por



gosa di un bida digno. E segundo edicion di Foro Nacional pa Adulto Mayor a reafirma e compromiso di Aruba pa crea un ambiente unda e adultonan mayor no solamente ta sobrevivi, pero ta florece y ta participa activamente den e bienestar di nan mes y di e comunidad. Minister Ursell Arends ta gradici tur cu e aporta na e discusionnan interactivo cu nan tempo, conocimiento y vision pa futuro.

Premio Nacional di Teatro 2024 Instituto Pedagógico Arubano



DEN un ambiente masha placentero y familiar mes, na Instituto Pedagógico Arubano, (IPA), Director di Departamento di Cultura Aruba drs. Siegfried Dumfries, a haci anuncio oficial di Premio Nacional di Teatro na **drs Marilyn Richardson**, kende ta Algemeen directeur di Instituto Pedagógico Arubano.

Riba Dia Mundial di Teatro 27 di maart, den un sala completamente yen cu'n diversidad di expresion y pensamiento artistico y creativo; a ser entrega e Premio Nacional di Teatro 2024 na Instituto Pedagógico Arubano. (CKV Teatro) y den e mesun rosea a ser entrega diferente reconocimiento special na maestronan di nivel superior di teatro manera: *Amy Lasten, Fenke Hooijmaaijers, Gloria Bryce, Olga G van Bochove, Daylan Krozendijk, Emerita Emerencia, Emira Tromp, Cecilia Besselink, Takhai Mohammed, Angelo Luis Angela, Jarmine Medina-Acosta, Madeleine Kelly, Joan Danies, Mario Flores, Daylan Krozendijk*, tur esaki como muestra di aprecio y balor pa nan tremendo trabao y aporte pedagogico brinda na bienestar y desaroyo di teatro aki na Aruba.

Tur aña ta ser entrega un obra di arte crea p'e artista Sr. Frank Croes, cu a traha e diseño di tur e reconocimiento entrega den pasado y for di 2019 a cuminsa c'un obra nobo cu su persona a yama: *Alma Liber*.

Tambe a ser entrega un certificado personalisa di Premio y Reconocimiento Special cu Ministerio di cultura Aruba, conhuntamente cu Departamento di Cultura a firma pa haci entrega oficial durante e anochi maraviyoso di celebracion.

Titulo di Obra: Alma Liber.

Poema: *Habri bo halanan Bula, Bay den tur libertad, Crusa frontera, No laganan gara bo, No laganan silencio bo, Sigui Expresa. Bo ta crea, Bo ta skirbi, Bo ta declama, Bo ta actua, Bo ta balia, Bo ta Alma Liber.*

Autor: Frank Croes.



Minister di Cultura a duna inicio y a presencia e Arco Expo di Arco Iris Kleuterschool **E muchanan y nan creatividad a resalta durante e exposicion aki**



RECIENTEMENTE, Minister di Cultura tabata tin e grato placer di duna inicio na e Arco Expo di Arco Iris Kleuterschool. E exposicion aki tabata yena cu creatividad y informacion di e muchanan cu a presenta nan bunita obra na e mandatario.

Minister Maduro a bishita cada klas pa asina admira e obranan traha na man, tabata tin di Kapel di Alto Vista te cu Baby Beach, tur diferente sitionan cu ta sumamente popular cerca nos muchanan. Locual a resalta di e mainta aki tabata con mayornan, wela y welo, famia a yuda e muchanan cu nan presentacion, mustrando e union cu ta e forza tras di e muchanan.

Minister Maduro ta gradici cabesante Nelly Orman - de Cuba pa e invitacion y tur maestra y maestro pa e mainta ameno aki. Un danki special ta bay na tur mucha cu nan bunita exposicion cu a demostra un biaha mas e amor cu nos muchanan tin pa nos Pais.



Exitoso 20 año di Celebracion Nacional Dia Mundial di Teatro 2024

DEPARTAMENTO di Cultura Aruba, bao auspicio di Ministerio di Cultura Aruba; a presenta su di 20 año di Celebracion Nacional Dia Mundial di Teatro 2024, cu'n actividad masha exitoso y creativo mes cu a tuma lugá di 26 y 27 di maart na Cas di Cultura Aruba. E celebracion aki tabata dedica na educacion superior di teatro y a haci entrega di Premio Nacional di Teatro 2024 y tambe a haci e tradicional lectura di Mensahe Mundial di Teatro declara pa UNESCO.

Durante di e actividad teatral y diverso aki, tabata tin presentacion di 27 monologo di artistanan local e internacional cu a brinda na Aruba 2 anochi masha special mes cu obranan impresionante y diferente stilo cu a resalta.

Entre otro

Ritmo (Expandi). Autor: Caricia Actor y Director: Natusha Croes Asistencia: Niño Divino. Darwin Winklaar.

Sin Filter. Autor, Actor y Director: Charlene Marchena Asistencia: Growth Influence Production Acceso Total Radio Show.

Folklorica Autor: Niño Divino Actor y Director: Darwin Winklaar Asistencia: Natusha Croes.

Art is Peace. Autor: Mensahe Mundial di Teatro 2024. Jon Fosse Actor y Director: Adriana Cereste.

Freedom is Scary den Halado. Autor, Actor y Director: Astra Barbara Asistencia: V Frank y otro actornan di Halado.

La Muerte Nada Calla Solo Duele. Autor, Actor y Director: Daniel Ortis Credito: Elegía. Joan Manuel Serrat.

Eudisia. Autor, actor y director: Lupita Bernabela Asistencia di direccion: Albert Schoobaar Musicalisacion:

Carlos Bislip.

Kico Awo?. Autor, actor y director: Shi Preke. Igual Autor, actor y director: Shjakayne Manuela.

Cinco Minuut Horta. Autor y director: Amy Lasten Actor: Satya Heinze. Luz Perpetua Autor y actor: Ryan Rodgers Director: Trabao den cooperacion, Jhon Freddy T. Montoya.

E carta pa Tanta Catrine. Autor, actor y Director: Gerardo Janga. (Bashaka).

The Ludge. Autor, actor y director: Charles Croes.

Lavando los trapos sucios. Autor: Tuesday Irwin & Nelson Gonzales Actor y Director: Tuesday Irwin Asistencia: Dimanche- Jolie Irwin.

Sunu. Autor, actor y Director: Indra Stamper Asistencia: Sofia Lees Stamper y Jhon Freddy T. Montoya.

Koffie cu Mo Yechi. Autor, actor y Director: Angelo Angela.

Mi ta Priminti... Te na mi morto. Autor, actor y director: Joan Danies. Desprecio Actor: Marcia Dirks Autor y director: Jarmine Acosta Asistencia: Betty Werleman.

Mi Ultimo Cuaresma. Autor, actor y director: Igmarr Maduro.

Alma Liber. Actor: Judith Werleman Autor y director: Madelene Kelly Asistencia: Betty Werleman.

Fo'i balans. Autor y director: Angelique Stuger.

Pay me for me wuk. Autor, actor y director: Emerita Emerencia Actor Multidisciplinario.

Best Dat Ever. Autor, actor y Director:



Daylan Krozendijk Credito: Joan Danies.

E eco silencioso. Autor, actor y director: Ferdinand Franca.

Karena Maduro Actor di *Monologo Identidad* Cantante Artista Invitado special Premio Nacional di Teatro 2024 26

Identidad. Autor, actor y director: Jhon Freddy T. Montoya Asistencia di direccion: Gloria Bryce Credito: Karena Maduro (Personahe Mama Luz y Amparo).

Nunca ta laat. Autor, actor y director: Mario Flores.

Invitado special for di Chile e actriz Carolina Culon cu lo forma parti como intercambio di grupo GSCC Aruba di proyecto musico a musico.

Busca mas informacion y desaroyo di henter e actividad y di tur participante, den nos pagina di Facebook di Departamento di Cultura Aruba. Masha danki na tur voluntario, tecnico, artista, maestro, director, autor y actor, pa boso tremendo aporte cu a garantiza e exito y calidad di henter e actividad.

Un danki masha special na prensa y publico presente, masha danki pa boso tremendo aporte y sosten brinda na nos artistanan local.

Minister Xiomara Maduro ta felicita ganadonan di competencia escolar di baile y fotografia

Dia di Himno y Bandera 2024

E aña aki Ministerio di Cultura conhuntamente cu Comision Celebracion Dianan Nacional a organisa un competencia di baile di e jingle, “*Aruba, Orguyo di nos tur*”, na unda cu klasnan di scol basico mester a crea un baile riba e jingle cu a ser componi y aregla pa e hoben talentoso Rygel Isabella y cu a wordo canta pa e hoben Jetzenia Martines. Ademas di esaki a organisa un competencia di fotografia pa muchanan di scol basico y scol preparatorio.

Ganado di Competencia di Baile Aruba Orguyo di Nos Tur:

Varios scol a participa den e competencia di baile. E ganado di e competencia baile a resulta e muchanan di Scol Basico Prinses Amalia - Klas 4B, kendenan a presenta un bunita baile.

Ganado Scol Basico Competencia di Fotografia Aruba Orguyo di Nos Tur:

E ganado a resulta e hoben Hayzey Arends di klas 4b di Colegio Conrado Coronel. E potret ganado a wordo describi como lo siguiente: “*Mi Aruba stima, ki orguyoso mi ta di tin bo como mi hogar. Cu orguyo mi ta comparti mi cas cu hopi bishitante, cu kier bin admira bo beyesa sin igual. Nos beachnan precioso y nos hendenan caluroso ta haci cu Aruba ta keda e Isla mas gusta y bishita. Na mi Isla e subida y bahada di solo ta algo fenomenal*”.

Ganado Scol Preparatorio Competencia di Fotografia Aruba Orguyo di Nos Tur:

E ganado a resulta e hoben Emmanuel Garcia di Scol Preparatorio Cayena. E potret ganado a wordo describi como lo siguiente: “*Mi ta sinti mi orguyoso di e bunitesa di nos lama color blauw scur bunita, cu ta rondona nos isla. Danki n’e lama bunita aki nos tin hopi turista cu ta bin di afo pa disfruta di nos dushi isla. Mi Aruba stima mi ta orguyoso di bisa Arubiano mi ta*”.

Minister Xiomara Maduro y Comision Celebracion Dianan Nacional ta gradici tur scol y muchanan pa a participa den e competencianan, como tambe danki n’e docente y mayornan pa motiva y brinda ayudo na nos muchanan, p’asina nan balora y aprecia mas Nos Dia Nacional, Dia di Himno y Bandera y asina sigui sinti nan mes orguyoso di ta Arubiano. E simannan nos dilanti lo tuma contacto cu scolnan p’asina por entrega premio n’e ganadonan.



Gregorio Wolff

Candidatonan pa eleccion di presidente na Venezuela

E ley di inhabilitacion na USA y Venezuela

E ley di inhabilitacion na Venezuela ta un copia=imitacion di e ley na USA, den 18 U.S. Code § 2381. E ley na Venezuela ta di añanan 90 di siglo pasa, den e epoca di AD y COPEY. Den e constitucion nobo di Chaves na 2002 e a wordo tuma over sin cambio.

E ley na USA ta bisa: Cu esnan cu falta lealtad na USA y ta rebeldia cu arma contra USA y su ehercito of ta uni na su enemigonan, dunando nan ayudo den USA of na cualkier otro liga di mundo y ofrece ayudo financiero, logistico of di cualkier forma na un pais of organisacion cu ta den guerra cu USA. Esnan cu a cay den e delitonan aki lo ser acusa di traicion y lo sufri pena di morto, o prizon y multa y tambe ta wordo inhabilita pa cubri cualkier cargo den USA.

Segun e hurispondencia na USA e delito ta keda graba ora un persona ta comete un acto contra e gobierno di USA (guerra, yuda un gobierno o organisacion enemigo, etc) y participa den cualkier forma di rebelion of conspiracion contra USA.

MCM (Maria Corina Machado) ta inhabilita pa actonan di Traicion contra Venezuela

Na 2005 MCM a ser condena na 28 aña di prizon pa motibo cu e a firma e decreto pa duna validez na e golpi di Estado di 10 april 2002, acerca pa conspiracion ya cu e a lanta y dirigi un ONG, ricibiendo \$ 53.000,= di e congreso di USA pa bringa e gobierno di Venezuela.

Despues Chaves a duna MCM Amnestia pa e condena aki.

Na 2014 durante e Guarimbas (rebelion sangriento) na Venezuela, MCM a aparece como embahador di Panama den un forum internacional di e Consejo Permanente de la Organizacion de los Estados Americano, uzando e forum aki siendo Venezolano y parlamentario di Congreso Venezolano pa ataca e gobierno di Venezuela, pidiendo un intervencion militar stranhero na Venezuela pa deroca e Presidente di Venezuela, Maduro. Un actitud grosero y di traicion na su patria Venezuela, na 2015 MCM a wordo inhabilita pa 15 aña y cual por baha te na 5 aña, si e tin bon argumentonan, den e caso cu MCM bay den apelacion y defende su mes. Loke e no a haci. Na 2019, 2020 y 2021 na varios ocasion, MCM su so o den grupo a pidi intervencion militar di USA na Venezuela, pues motibonan pa keda inhabilita. Na ningun pais di mundo MCM por a sigui haci politica manera e ta haci awe na Venezuela.

E acuerdo di Barbados ta bisa cu Venezuela mester repasa e caso di e Inhabilitadonan y tuma un decision di nobo di acuerdo cu leynan Venezolano. Venezuela a haci esaki y T.S.J. (Tribunal Supremo di Husticia) y Asamblea Nacional a tuma nan decision y MCM a keda inhabilita.

Ley pa inscribi partido o candidato pa un eleccion

Na tur pais, igual na Aruba, e sistema pa participa na eleccion no ta habri pa tur hende participa. Tur caminda e ley ta bisa, cu e partido politico mester ta inscribi na e comision cu ta dirigi e eleccion manera e CNE na Venezuela.

Na Aruba e rekisitonan ta un tiki mas severo, ya cu e partido mester ta un entidad huridico, esta mester ta un asociacion cu su statutonan legal. Acerca e partido nobo mester busca bastante firma pa participa.

Na Venezuela, si e partido no a bay eleccion den dos siguiente eleccion e ta perde su inscripcion y mester busca firma pa inscribi di nobo. Pues, si bo partido no ta inscribi, bo partido no por inscribi ningun candidato.

E partido di MCM, Vente Venezuela, no ta inscribi na CNE y no por inscribi ningun candidato

Oposicion na Venezuela ta hopi dividi

Ta conoci na Venezuela e grupo G4 cualnan ta e partidonan AD (Accion demo-

cratico), VP (Voluntad Popular), PJ (Primera Justicia) y UNT (Un Nuevo Tiempo). G4 ta e partidonan cualnan ta den negociacion cu Gobierno di Venezuela na Mexico y Barbados, hopi biaha cu posicionnan di Merca. Pa e eleccion aki G4 ta uni den PUD (Plataforma Unitario Democratico). MCM cu Vente Venezuela tambe a uni na PUD. E organisacionnan den PUD tambe ta uza MUD (Mesa Unitario Democratico). E partidonan den PUD, cu legalmente por inscribi candidato pa presidente na CNE ta UNT, FV (Fuerza Vecinal) y MUD.

Tambe tin un otro grupo di oposicion cu yama Aliansa Democratico, kendenan no tin lasonan di unidad cu G4, ni cu PUD. Nan a inscribi 10 candidato. PSUV (Partido Socialista Unido de Venezuela) e partido di Gobierno, a inscribi Nicolas Maduro, UNT y FV a inscribi Manuel Rosales y MUD a inscribi un candidato TAPA, cual por ser cambia ainda pa un di e otro 12 candidatonan. E candidato TAPA cu MUD a inscribi ta Edmundo González Urrutia, un internacionalista y analista politico.

Pues total a inscribi 13 candidato. PSUV cual ta e unico candidato di Gobierno y 12 ta di oposicion.

Oposicion den PUD a laga candidato di MCM cay y sostene otro candidato

MCM a sabiendo y aceptando cu e ta inhabilita, hunto cu Vente Venezuela a presenta, Corina Yoris pa ta nan candidato pa presidente, den reunionnan di PUD. Segun Rosales nan no por a yega na un acuerdo, esta un consenso pa postula un candidato di PUD y 5 minuut prome cu e tempo termina pa inscribi candidato dia 25 maart 2024, FV y UNT a inscribi su persona pa ta candidato pa presidente. MUD, tambe na ultimo minuut, a inscribi un candidato "TAPA", esta por wordo cambia pa un di e otro 12 candidatonan cu a inscribi.

Declaracionnan cu ta sali for di Merca

Ex-ministro di Asuntonan exterior di USA, Mike Pompeo a bisa algun aña pasa, "cu e problema grandi di Oposicion na Venezuela ta, su divicion, unda tin como 20 partido y cada partido kier pa nan lider bira e presidente di e pais".

Importante pa menciona ta cu dia 5 februari 2024, CIA na Merca a saca un informacion clasifica, esta secreto. 12 Maart ultimo e informacion aki a ser declasifica, esta a bira publico. E info ta bisa cu oposicion ta dividi y e posibilidad pa Presidente Maduro perde e eleccion na Venezuela ta hopi chikito.

MCM y Donald Trump, candidato pa presidente di Merca, nan dos ta casi igual na otro, nan dos tin un sistema bruto di ta malcria, grosero, egoista y narcisista. Esaki lo t'e motibo cu MCM ta perdiendo e apoyo necesario di otro partidonan den PUD na Venezuela y pa por a inscribi Corina Yoris, cu MCM so a apunta.

Na Merca e gobierno democrata tambe ta den un proceso pa inhabilita e candidato Republicano Donald Trump, pa su hopi fechorianan y malcomportacion. Un posicion pa yuda MCM den su lucha contra inhabilitacion lo dañe e politica di gobierno di Merca pa inhabilita Trump.

Dia 18 april 2024 Gobierno Mericano, metiendo un biaha mas den asuntonan interno di Venezuela, lo tuma su decision si ta sigui cu sancionnan o No.

Expertonan ta bisa cu ta dificil pa Gobierno di Merca sali para banda di Gobierno di Venezuela. Un posicion positivo pa Venezuela ta hinca e Gobierno di Merca den un posicion fastioso y dificil, unda Merca mester bay duna spliacionnan corecto kico a pasa y ta pasando cu:

- E refinaderianan di CITGO subsidiario di PDVSA, cu balor di hopi biyonnaan di dollar;
- E miles di Gas-stations di CITGO na Merca, tambe cu bal biyonnaan;
- E hopi biyonnaan, Placanan di Venezuela wanta den Banconan na Merca;
- Placanan saca for di CITGO y entrega na e gruponan di hende rond di Guaido;
- E avion (747-300) destrui, di e compania Venezolano Conviasa algun tempo atras.

P'esey tin hopi pronostico cu e confrontacion USA vs Venezuela lo sigui.

Pa Venezuela sancionnan ta fastioso, pero nan ta den miho situacion cu na 2017 pa 2021, ya cu awe nan tin bon relacion cu paisnan di BRICS y cu paisnan na Asia, unda tin crecemento grandi di Economia cu mester di Petroli.

Lentejas con Verduras Caseras



Tiempo de Preparación: 15 minutos
Tiempo de Cocción: 30 minutos
Tiempo Total: 45 minutos
Kcal: 200 kcal | Porciones: 4

Ingredientes:

- 1 taza de lentejas
- 2 zanahorias, picadas
- 2 tallos de apio, picados
- 1 cebolla grande, picada
- 3 dientes de ajo, picados
- 1 pimiento rojo, picado
- 1 pimiento verde, picado
- 2 tomates, pelados y picados
- 1 hoja de laurel
- 1 cucharadita de pimentón dulce
- Sal y pimienta al gusto
- 4 tazas de caldo de verduras o agua
- Aceite de oliva

Instrucciones:

1. En una olla grande, calienta un poco de aceite de oliva

- a fuego medio. Añade la cebolla, el ajo, las zanahorias, y el apio. Sofríe hasta que la cebolla esté transparente.
2. Incorpora los pimientos y cocina durante unos minutos más hasta que estén tiernos.
3. Añade las lentejas, los tomates, la hoja de laurel, el pimentón, sal, y pimienta. Revuelve bien.
4. Vierte el caldo de verduras o el agua hasta cubrir todos los ingredientes. Lleva a ebullición.
5. Una vez que hierva, reduce el fuego, tapa, y deja cocinar a fuego lento durante unos 25-30 minutos, o hasta que las lentejas estén tiernas.
6. Ajusta la sazón al gusto. Si es necesario, puedes agregar más caldo o agua para ajustar la consistencia.
7. Sirve caliente, idealmente acompañado de arroz blanco o pan.

Fortaleza pa Famia

Ningun hende por cambia e palabra di Dios

ORA nos mira diariamente, cuanto cos ta modernisa, cuanto hende kier cambia cos na nan fabor, sea pa ignorancia, orguyo, of hamber pa poder, of pa complace cu maldad, malisia y inmoralidad, nos tin corda lo siguiente: Cu Pablo un Apostol (no manda for di hende, ni door di hende, ma door di Hesus Cristo, y Dios Tata kende a lanta Cristo for di e mortonan (Galationan 1:1) a skirbi tocante hende cu kier troce e evangelio di Cristo den Galationan capitulo 1:8 -10 bisando:

Ma maske nos, of un angel for di cielo, lo a predica na boso, un evangelio contrario na esun cu nos a predica boso, cu e sea maldiciona. Manera nos a bisa caba, asina mi ta bolbe bisa awor: si cualkier hende predica na boso un evangelio contrario na esun cu boso a ricibi, cu e sea maldiciona.

Pasobra ta fabor di hende, mi ta busca awor, of di Dios? Of ta hende mi ta trata di agrada? Si ainda ta hende mi tabata trata di agrada, lo mi no tabata un sirbido di Dios.

Pero locual ta para skirbi den Mateo 24:35 keto bay ta vigente y lo no cambia: Cielo y tera lo pasa ma Mi palabranan lo no pasa.

Den Isaias 40: 8 Dios ta recorda nos tur cu: Yerba ta seca, flor ta marchita, ma e palabra di Dios ta permanece pa semper.

Si Dios ta spierta nos ta pasobra lo siguiente ta tumando luga: Pasobra e tempo lo bin cu nan lo no soporta doctrina sano mas, ma alcontrario, pa satisface nan mes deseonan, nan lo acumula pa nan mes siñadonan pa bisa locual nan horea cu ta kishiki kier tende, y lo bira nan horea for di e berdad, y lo bolbe na fabula.

No ta algo desconoci cu respet pa Dios y su palabra, ta menguando riba mundo, pero como yiunan di Dios, nos tin cu zorg pa e palabra di Dios, no mengua den nos hogar, nos bida, ni tampoco nos famia.

Pasobra productornan di infielidad na Dios, na Matrimonio, y na Famia, ta aumentando cada dia, treciendo cosnan dilanti cu ta distrai hende for di e caminda berdadero, y hinca hende den nan negoshi di maldad y scuridad.

P'esey como mayor nos mester ta cauteloso awendia, kico ta laga nos yiunan mira, tende of apoya, pasobra e enemigo ta purba drenta den tur cos.



Pa semper, Oh Señor, Bo palabra ta estableci den cielo. Bo fieldad ta di generacion, pa generacion, Bo a establece tera y e ta keda para (Salmo 119:89).

Materialismo tin mente di hende domina, bruheria y spiritismo kier drenta den tur cos, hasta awor pa promove un remedi, pornografia ta wordo adapta den dje. Pasobra den tur cos e enemigo kier trece mal influencia.

Nos kier recorda tur hende cu den Hebreonan 12:25 ta para skirbi: Mira pa boso no rechasa Esun cu ta papia. Pasobra si eseynan no a scapa, ora nan a rechasa esun cu a spierta nan riba tera, cuanto menos nos lo scapa, si nos bira bay, for di Esun cu ta spierta for di cielo.

For di den paraiso e diabel a purba di contradeci, palabra di Dios cu mentira bisando cu locual Dios ta prohibi, no mester wordo obedece.

Awendia e mentira a modernisa y a haya transporte door di esnan cu ta trastorna e palabra di Dios, y ta papia confusion constante, pa mantene idolatria, maldad, y inmoralidad na existencia.

Pero maske kico hende haci e Palabra di Dios no ta cambia, pasobra nos Dios ta fiel na Su Palabra.

Sinceramente, Pastor Marcel Balootje



"Den Bo Señor mi ta tuma mi refugio,
mi alma ta bay ta na paz."

Cu inmenso tristesa na nos curason, pero
agradecido pa tur locual el a haci y nifica pa nos,
nos ta anuncia cu a bay pa un descanso eterno
nos tata, welo, ruman y omo stimá:

Pedro Samuel Marchena

Mihor conoci como "Papa"
*31-01-1931 - †27-03-2024

Na number di su:

Yiu:
Marcia Marchena

Demas yiunan:
Nimia Marchena
Filomeno (Boey) y Ruth Marchena-Herrera

Nieto(a)nan:
Eugene Cecilia
Eugenie Cecilia y Giovanni Atencio Eugelina
Cecilia y Thomas Cornelisse Krizia Martina y Sandro
Croes Michael y Joanne Giel Croes
Gregory y Phanessa Loaiza-Croeze Tatiana Loaiza
Tristan Marchena Darwyn Marchena
Jean-Carlo y Samantha Marchena-Jansen

Bisanieto(a)nan:
Nia, Keona, Nizar, Nathaniel, Jhon-Naciolito,
Rosariantely y Chardiantely

Rumannan:
Theresita Wanga y famia (Curaçao)
Genoveva (Veva) Rosario y famia (Boneiro)

Swanan:
Jacobo (Coby) Maduro y famia Andres (Dede)
Larez y famia

Manera yiunan:
Albert Harms
Imelda y Chee Leong Chong-Matubis

Primo mas yega:
Julio (Juchi) Margaretha y famia

Su dokter cu semper tabata tey pe:
Dra. Mercedes Rivera

Amiga di cas:
Matilde Cena Almonte

Ayudante:
Angela

Subrino y subrinanan, primo y primanan na Aruba,
Boneiro, Curaçao y Hulanda Ex coleganan di
Aruba Ports Authority N.V.

Demas famia, bisiaña, amigo y conocirnan:
Marchena, Maduro, Cecilia, Martina, Loaiza,
Herrera, Keller, Frans, Wanga, Rosario, Margaretha,
de Palm, Janga, Atencio, Croes, Croeze, Jansen,
Larez, Orman y Harms.

Acto di condolencia lo tuma lugar **Diabierna,
5 April 2024** di 7'or pa 9'or di anochi na Pray
Funeral Home na San Nicolas. Acto di despedida
lo tuma lugar **Diasabra, 6 di April 2024** di 2'or pa
4'or di atardi na misa Cristo Rey na Brazil. Acto di
cremacion lo tuma lugar den seno familiar.

Nos ta lamenta cu despues di cremacion nos no
por ricibi bishita di condolencia na cas.

Nos kier a pidi nos disculpa y comprension si den
nos tristesa nos por a lubida di menciona un of otro
famia.



Laga tur loke ta spera mi ta bunita
Laga tur locual cu mi encontra
na caminda ta bunita
Laga tur locual cu mi laga
atras keda bunita y
Laga esakinan termina den tur buniteza.
Cado Wever.

Cu hunda pena, pero conforme cu boluntad
di Dios, nos ta participa fayecimento
tragicamente di nos ruman, omo y amigo:

Marco
Marceliano Tromp

Mihor conoci como "Mache"
*17-06-1943 - †30-03-2024

Mayornan:
†Hose y †Maria Tromp

Rumannan:
†Victoriano Tromp y †Marianita Tromp-
Semeleer
Nemencia Tromp
†Pedro Tromp y †Pina Tromp-Arends
Dominica Tromp y †Juan Figaroa
Simona Sapuana y Jossy Sapuana

Sobrino(a)nan:
Albino Tromp y Lilian y famia
Edwin Tromp y famia
†Nicolaas Tromp y famia
Ronny Tromp y Sheila y famia
Jacinto Tromp y Aileen y famia
Erick Tromp y famia
Jolanda Tromp y famia
Mirto Tromp y Karina y famia
Frenki Tromp y famia
Nelson Tromp y famia
Leo Tromp
Medelin Sapuana
Maritza Sapuana y Richard Filiciana
Prisca Sapuana y Daniel Quant
Astrid y Egbert Toppenberg
Edwin y Yoryanis Figaroa
Wilfred Figaroa y Charmin Ismail

Sobrinonan di cas:
Bryan Figaroa y Genisha Thijzen
Maria Laura Figaroa y Joshmar Vasquez

Primo y primanan, conocirnan, amistadnan.

Demas famia:
Tromp, Figaroa, Sapuana, Wolff, Kelly,
Ismail, Semeleer, Arends, Leest, Ridderstap,
Christiaans, Croes, Thijzen, Arevalo, Vasquez,
Quandus, Quand, Geerman, Farro.

Ta invita pa acto di condolencia y entierro
cual lo tuma lugar na Misa Sta Anna na
Noord, **diabierna 5 di April** di 2'or pa 4'or di
atardi. Despues lo sali pa Santana Catolico
na Noord.

Nos disculpa si den nos tristesa nos por a
lubida algun famia of conocer.



"I lift up my eyes to the mountains - where does my help
come from? My help comes from the LORD, the maker
of heaven and earth."
Psalm 121:1-2

"Love bears all things, believes all things, hopes all things,
endures all things." 1 Corinthians 13:7

With deep sympathy and great sadness in our hearts we
announce the passing of our beloved husband, father,
grandfather, great-grandfather, brother, cousin, uncle
and good friend.

Louis Valentino Reed

Better known as "Tito" or "Tatie"
Sunrise: *10 - 08 - 1954 Sunset: †28 - 03- 2024

Left to mourn are his:
Wife: Aura Reed-Goedhoop

Children: Dyainisie Reed
Daniece Alexander-Reed & Alexis Alexander

Grandchildren:
Dhyronne Reed & Shaghira Vorst
Xaenah Alexander
Xervantez Alexander

Great-grandchild: Shaydionne Reed

Brothers and Sisters:
Don Fernando Reed, Maritza Reed-Reyes & family
Mercedes Reed & family
†Theresa Reed & family
Jacklien Croes-Reed, Rupert Croes & family
†Anna Reed & family
†Maria Lake & family

In-laws: Erwin Goedhoop, Carmelita Goedhoop-Palmtak
& family
Franklin Goedhoop & family
†Mavis Goedhoop
Stanley Goedhoop & Andrea Goedhoop-Meacheaj
Murwin Goedhoop, Claudia Goedhoop-Biegel & family
Johnny Goedhoop
Arthur Goedhoop, Carol Goedhoop-Dixon & family
Sonja Gerardus-Goedhoop, Ellis Gerardus & family

Nephews & Nieces:
George, Jessenia, Nathalie, Joulaiika, Benjamin,
Mandingo, Stacey, Sherman, Shannon, Nadine,
Eugene, Melissa, †Aaron, Andres, Aitza, Stefani, Tawana,
Fernando, Angela, Bryan, Stefan, Jessica, Khiany

Best Friend: Arthur Goedhoop

Cousins and Godchildren to numerous to mention

Ex colleagues from:
Directie Luchtvaart Aruba, ACTAA and Supervisory Board
of ANSA

Family & Friends in Aruba, Curaçao, Canada, Dominican
Republic, St. Maarten,
The USA, The Netherlands and Suriname

Reed, Goedhoop, Alexander, Lake, Jean Baptiste,
Joseph Felix, Groeneveldt, Croes, Wilson, Richardson,
Buchan, Hassell, Buddy, Arduin, Dania, Havertong,
Segura Tavaréz, Ventura, Reyes, Vorst, Robert, Montas,
Everts, Anthony, Dickens, Gibson, Diaz, Guillén.

Special thanks to Dr. Fernandes and Koningin Wilhelmina
Fonds Aruba.

Our apologies if we forgot to mention any family
member in our time of grief.

Opportunity for condolences will be held on **Monday 8 of
April 2024** at Royal Funeral Home from 7 pm to 9 pm.

The funeral will take place on **Tuesday 9 of April 2024** at
Royal Funeral Home
From 2 pm to 4 pm. Cremation will take place in close
family circle

Instead of wreaths and flower there will be a donation
box for: Koningin Wilhelmina Fonds

We apologize that after the funeral service we cannot
accept condolences at home.



Lagrima y flornan por seca, su recuerdonan y tur loke el a haci y significa pa nos, lo keda graba pa semper den nos mente y curason.
"Cerca Dios mi alma ta na paz,
ta di DJ'E mi salvacion ta bin"
Salmo 62:1

Nos ta participa fayecimento di:

Erika I. Gomez Marroquin

*28-01-1973 - † 29-03-2024

Na nomber di su:

Mama:
Maria Ines Marroquin

Rumannan:
Elena Gomez Marroquin
Claudia Miranda Marroquin
Elbert Miranda Marroquin

Sobrino(a)nan:
Daniel Mianda
Raquel Albarado Miranda

Demas famia ta invita pa acto di condolencia y despedida cual lo tuma lugar na Royal Funeral Home **diasabra 6 di april 2024** di 7'or pa 9'or di anochi. Cremacion lo tuma lugar despues.

Enbes di krans of flor lo tin un box disponibel di Koningin Wilhemina Fonds.



"Dios ta amor... y amor ta Dios,
maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi". Salmo 33

Cu dolor na nos curason, nos ta participa fayecimento di nos ser stima:

Sra.vda. Filotea Peterson-Ruiz

Cariñosamente yama "Chichi"
*30-03-1928 - †01-04-2024

Acto di entierro lo wordo anuncia despues



Lagrima y flor por seca, su recuerdonan y tur loke El a haci pa nos lo keda graba pa semper den nos mente y curason.
"Serca Dios mi alma ta na paz
Di dj'E mi salvacion ta bini"
Salmo 62:1

Omar Anthony Franken

"Chino, Frankie, Kestein"
*11-11-1968 - †22-03-2024

Mayornan:
†Leandro Franken
Alejandrina 'Olga' Franken-Winterdaal

Querida esposa:
Maria Del Carmen Franken-Vasquez

Yiunan stima:
Luis Estevan Franken
Diana Catalina Franken & Calvin Curiel
Yuli Andrea Franken

Nieta y Nieto mescos cu yiu:
Joemelly y Alexander Montero

Manera Yiu:
Christian y Sara Villa Vasquez

Rumannan stima:
Arline & Ursino Tromp
Francis & Luz Elena Franken y famia
Omaira & Anthony Krozendijk
Gino Franken
Soraida Boekhoudt

Querida suegra:
Martha Rosa Gonzalez A

Swa y cuñanan:
Blanca Luz Vasquez, Juan Jose Vasquez, Martha Maria Vasquez, Javier Vasquez, Luz Marina Montoya, †Juan Guillermo, Jorge, Juan Fernando Vasquez

Subrironan stima:
Lue-ann, Jairzinio, Veloushka, Francis Leandro, Miloushka y Yabib

Sobre-subrironan stima , Tur Primo y Primanan

Omo y Tantanan: Editha Lumenier-Franken, Rufino Franken, Carmen y Jorge Donata-Franken, †Mario Franken, Luisa Feliciano, Lucia Winterdaal, †Simona Rasmijn, Maria Kelly, Rita Werleman

Mane tanta:
Margarita y Orlando v/d Biezen
Julieta Gonzalez

Coleganan mane ruman (Rumannan den blauw):
Alvin Lacle, Jessie Maduro, Uur Lacle "One Love"

Henter Cuerpo Policial di Aruba en especial su coleganan di SVB Noord y Klas di 1990 "su famia den blauw".

Amigonan di cas: Sergio y Luisa y yiu nan, Sonia y Dalbeiner, Eumelia y Oscar, Anna, Marieta, Edgar Ruiz, Lucia Kelly y Marcelino Rodriguez, Oldric Fernandes, Boy Boezem, Tom, Lionel y Liesenny Croes, Ibi y Almira, Bartholomeus 'Roy' Sneek, Sergio Liz y Mery na Merca.

Su Dr. di cas: Dr. Dennis Rasmijn

Famia, amigonan, bisiña en especial su bisiñanan Zoë y Rowen. Y conocirnan mucho hopi pa menciona

Demas famianan: Franken, Vasquez, Winterdaal, Tromp, Krozendijk, Gonzalez, Montoya, Lumenier, Donata, Feliciano, Kelly, Rasmijn, Werleman, van der Biezen, Rozenberg, Curiel

Condolencia lo tuma lugar **diahuebs 4 di April 2024** di 7or pa 9or di anochi na Aurora Funeral Home.

Acto di entierro lo tuma lugar **Diabierna 5 di April 2024** for di 9or di mainta pa 11 or di mainta na Misa Santa Filomena na Paradera y despues lo Sali bai pa Santana Catolico na Paradera

"Positivo, One Love"



"Man nan cu semper tawata ocupa, awor hunto y keto
A duna un bida completo, manera bo boluntad
Bo bataya a wordo lucha, cu inquietud pero yen di curashi y balor. Sumamente fuerte bo tabata ta, y awor a termina. Asina mes ta bon, awor bay sosega"

Den seno familiar y rondona cu hopi amor, a bay sosega nos casa, tata, welo y bisabuelo;

Henry Willem Vishnudatt

Surinam 31-12-1944 - Aruba 27-03-2024

Pa aña nan largo maestro den educacion basico y secundario. Deportista cu pasion pa futbol y amante di naturalesa.

Su casa: Johanna Vishnudatt Banwarie

Yiunan: Sahirra Vishnudatt y Martijn van Houdt
Anjali Vishnudatt y Lisandro Zambrano
Shalini Vishnudatt y Audrick Croes
Ashwin Vishnudatt

Nieto / Nieta nan:
Erisah Vishnudatt (mescos yiu) y Junior Feliciano
Danyaël Dix
Yahraël Vishnudatt
Asha Vishnudatt

Su Bisanieto: Aiden

Rumanan:
Jozef Vishnudatt y famia na Surinam y Hulanda.
† Alice Landman Vishnudatt y famia na Surinam, Hulanda y Merca
Karel Vishnudatt y famia na Surinam y Hulanda
† Ramon Vishnudatt y famia na Surinam y Hulanda
† Hendrick Vishnudatt y famia na Surinam y Hulanda
Lilian Khoesial y famia na Hulanda

Prima stima: Francisca (Ciska) Vishnudatt

Subrina nan stima: Ingrid y Rita Vishnudatt y famia
Sharda Nirandjan y famia
Anjali Kanhai

Nos ayudante na cas: Marlin Damis y famia

Amiga stima: Cecilia (Lia) van Kempen

Demas famia, amigo y conocirnan: Vishnudatt, Panday, Chikhoer, Mac-Jannet, Matthew, Saheblal, Clark, Parto, Guiamo, Lo A Njoe, Richardson, Croes, van Kempen, Zievinger, Bouwman, van Oosterhout, Mathoera, Marquez Contreras, Rozenhoff, Tromp, Vrolijk, Derquin y Cuisman.

Pedro, Carmen y demas bisiña nan.

Ex-collega nan y estudiante nan di educacion basico y secundario. Futbolistanan y miembro di maneho anterior di S.V. Phoenix y San Luis Deportivo.

Nos gratitud inmenso ta bay na dr. J.S. van Trigt. dr. Benjamin Croes y su equipo di ICU na HOH. dr. Garcia Sanz y equipo di Dialyse na Imsan. drs. Shantelle de Cuba y Botica BENU Ponton, Mireille di Buurtzorg y LiteLife Medicab.

Y tur otro persona cu di un of otro manera a contribui den e bida di nos casa y tata stima.


Ta invita tur famia, amigo y conocirnan pa asisti na acto di condolencia cual lo tuma lugar **diahuebs 4 di April 2024** di 7'or pa 9'or di anochi na Royal Funeral Home.


Despedida lo tuma lugar **diabierna 5 di April 2024** di 9'or pa 11'or di mainta na Royal Funeral Home. Despues di 11or acto di cremacion lo tuma lugar den seno familiar.

Famia ta pidi pa na luga di flor of krans, pa hasi un donacion na un Fundacion Diabetico. Lo tin un box disponibel na entrada di e sala.

Nos kier a pidi disculpa cu den nos tristesa nos por a lubida nomber di algun famia, amigo of conocir.

Lamentablemente nos no ta ricibi bishita di condolencia na cas.





"Dios ta amor...y amor ta Dios, maske mi no ta na e mundo aki, tur dia lo mi ta banda di boso curason, mi por stens di loke Señor ta haci "

Salmo 33

Duna amor - Pa ricibi amor
Bida ta cortico - Asina ta haci bon
Pa ricibi bon - Y semper cu un sonrisa
Amor ta haci tur cos bunita

A bay sosega den brasa di Señor
E AMOR , ALEGRIA Y PILAR DI NOS BIDA
Casa , tata, opa, ruman , primo, sua,amigo

Jacobo G. Pourier

" Shonco – omo – Jacob "

*11 – 09 – 1941 E unico prins di famia a nace pa alegre famia
†28 – 03 – 2024 Diahuebs Santo Papa dios a habri su mannan
y a tume den su Reino

Su casa stima:
Yvonne Pourier – Figueira

Su yiunan:
† Juni y Bea
Jaïr y Rutger

Su nieto – y nietanan:
Miguel y Rachel
Sergio y Chantal
Dominique y Keanu
Alyssa

Su rumannan:
† Maria Coleta Pourier
† Rosa Roga
† Isabel Vrolijk
Elba (Yela) Pourier
Carmensita Pourier

Su sua – y cuñanan:
Terry y Marilyn Figueira - Dadson
† Janet Figueira
† Freddy Figueira
Dorothy y Lucho Koolman y famia
Pio Figueira y famia
Yvette y Johnny Henriquez y famia
Sandra Figueira
Diana y Carlos Maduro y famia

Su mascotanan:
Electra – Poeki – Zoefi

Su amigo cu a yudele te final:
Candido Tromp

Esun cu a cuidele cu amor y cariño:
Leydi y yiu Keiner

Un danki special na :
Dkt. Sharline Vis y su ayudantenan Veroushka y Viveca

Tur subrino – y subrinanan, sobresubrino – y sobresubrinanan, primo – y primanan,
Amigo – y amiganan,bisiñanan, conocirnan, ex – coleganan di N.V. Elmar y CDE y demas famia

Ta invita pa e acto di condolencia: dialuna 8 di april na Aurora Funeral Home di 7 or pa 9 or di anochi

Acto di entiero: diamars 9 di april na Misa Maria Immaculada Concepcion na Sta Cruz
Di 9 or pa 11 or di mainta Y despues pa santana catolico Santa Maria na Sta Cruz

Despues di entiero no ta ricibi bishita na cas



Laga tur loke ta spera mi ta bunita
Laga tur locual cu mi encontra
na caminda ta bunita
Laga tur locual cu mi laga atras
keda bunita y
Laga esakinan termina den tur buniteza.
Cado Wever

Cu inmenso dolor na nos curason, pero conforme cu Dios su boluntad, nos ta anuncia fayecimento di nos mama stima:

Imelda Maduro

Mihor conoci como "Meme"

*12-11-1932 - † 03-04 -2024

Acto di entiero lo wordo anuncia despues




The Lord is my shepherd; I shall not want.
He maketh me to lie down in green pastures:
he leadeth me beside the still waters.
He restoreth my soul: he leadeth me in the paths of righteousness for his name's sake.
Yea, though I walk through the valley of the shadow of death, I will fear no evil:
for thou art with me; thy rod and thy staff they comfort me.
Psalm 23 Verse 1-4

With deep sympathy and great sadness, we announce the passing away of:

Telma Louise Maxwell

*14-06-1944 †02-04-2024

Date and place of the funeral will be announced later



"Dios ta amor...
y amor ta Dios,
maske mi no ta na e mundo aki,
tur dia lo mi ta banda di boso Curazon, mi por stens di loke Señor ta hasi"
Salmo 33

Nos ta anuncia fayecimento di:

Jose Antonio Arends

Cariñosamente yama "Jo" of " Pacholo"

*11-02-1943 - †27-03-2024

Acto di despedida lo wordo anuncia despues

Lagrima y flor por seca,
Su recuerdonan y tur loke e la haci pa nos lo keda graba pa semper den nos mente y curason.
"Cerca Dios mi alma ta na paz.
Di dje mi salvacion ta bini"
Salmo 62:1

Cu hopi tristeza na nos curason, pero conforme cu boluntad di Dios, nos ta anuncia fayesimento di nos tata, ruman, omo y welo:



Albino Thomas Croes

Mihor conoci como "Ale"

*18-09-1937 - †3-04-2024

Acto di entiero lo wordo anuncia despues

EL AMOR
PERFECTO
ECHA FUERA
EL TEMOR.

1 JUAN 4:18



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com